

精校傷寒論

卷二

辨太陽病脉証篇第二

傷寒十三日不解過經譫語者以有熱也當以湯下之若小便利者大便當鞭而反下利脉調和者知醫以丸藥下之非其治也若自下利者脉當微厥今反和者此為內實也調胃承氣湯主之

此言病氣已入陽明胃府無分便鞭自利審為實熱之證者俱可從乎下解也傷寒十三日不解過陽明經而譫語者以內有熱也當以湯藥下之若小便利者津液下注大便當鞭內熱而燥湯藥下之可也若過經譫語而反下利脉調和者知醫以丸藥下之夫丸緩留中徒傷胃氣非其治也若自下利而涉于裏陰者其脉當微手足當厥今反調和者此為陽明內實而腐穢當下也調胃承氣湯主之○高子曰上節論逆於中土而柄氣欲出宜先從外解此言過在陽明而入于胃土宜但從下解仲賢本論有條不紊者辨之

太陽病不解熱勝眈其人如狂血自下下者愈其外不解者尚未可攻當先解外外解已但小腹急結者乃可攻之宜桃核承氣湯

桃核承氣湯方
桃核五十個
取仁
大黃四兩
甘草二兩
桂枝二兩
芒硝二兩

右五味以水七升煮取二升半去滓內芒硝更上火微沸溫服五合日三服當微利

此言太陽病氣合陽明從胸膈而下入於膀胱也太陽病不解應傳陽明太陽之邪合陽明之熱從胸而下謂之熱結膀胱其人如狂者秉陽明之熱氣也日如狂病屬氣分非若抵當湯之發狂也血自下下者愈無形之熱邪從有形而散也故其外不解者尚未可攻當先解外內之相通也外解已但小腹急而復結者乃太陽表邪合陽明之氣而結于小腹急欲下而不能出宜桃核承氣湯微利則愈用芒硝上承陽明之熱氣大黃桃仁破血散

陽明之氣而結于小腹急欲下而不能出宜桃核承氣湯微利則愈用芒硝上承陽明之熱氣大黃桃仁破血散

陽明之氣而結于小腹急欲下而不能出宜桃核承氣湯微利則愈用芒硝上承陽明之熱氣大黃桃仁破血散

結配甘草桂枝資中焦之精達太陽之氣熱邪下解而正氣外出此熱結膀胱從胸內入故列于柴胡湯中意謂從胸而入亦可從胸而出也

傷寒八九日下之胸滿煩驚小便不利譫語一身盡重不可轉側者柴胡加龍骨牡蠣湯主之

柴胡加龍骨牡蠣湯方

柴胡四兩 龍骨

黃芩

生薑

人參

茯苓

鉛丹

牡蠣

桂枝各兩半

半夏二合

大棗六枚

大黃二兩

右十二味以水八升煮取四升內大黃更煮一二沸去滓溫服一升

此言少陽樞折於內不能出入者須啟生陽之氣以達之傷寒八九日當陽明少陽主氣之期祇藉少陽之樞轉以外出若下之則樞轉有乖開閣不得開則胸滿閣則煩驚為決瀆有愆則小便不利陽明內熱則發譫語一身盡重不可轉側者少陽主樞樞折而不能轉側也柴胡龍骨牡蠣湯主之用小柴胡湯達傷寒之邪仍從胸脇以外出加龍骨牡蠣啟水中之生陽以助少陽之氣經云少陽屬腎少陽之氣生于水中上合三焦與心主包絡相合而主血鉛得火而成丹用鉛丹桂枝茯苓以助心主之神而達少陽之氣大黃清陽明之熱蓋邪熱清而少陽之氣轉生氣升而少陽之樞續矣○沈氏曰章內二三日四五日六七日八九日十餘日以至十三日後四五日皆六氣相傳各為主氣之期以正氣為主兼論病邪之有無讀者不可以其近而忽之也

傷寒腹滿譫語寸口脈浮而緊此肝乘脾也名曰縱刺期門

合下兩節言病變在形藏而不涉六氣之傳變也平脈篇曰水行乘火金行乘木名曰縱謂乘所不勝於已者放縱而自如也火行乘水木行乘金名曰橫謂橫行而侮其所勝已也傷寒腹滿病在脾也譫語者脾是動病上走於心心氣煩亂故譫語也辨脈篇曰脈浮而緊者名曰弦也以脾土之病證而見之木之弦脈此肝乘脾也名曰縱當刺肝之期門以瀉肝經之熱蓋邪留于有形之藏府者當以經取之也○愚按傷寒六篇皆病在六氣而

不涉於經脈之有形即太陽之為病脈浮少陰之為病脈微細乃病氣而調通體之脈非病之在於脈也故學者當以六氣中求之若本論中凡云刺者方在有形之藏府經脈上看

傷寒發熱啻啻惡寒大渴欲飲水其腹必滿自汗出小便利其病欲解此肝乘肺也名曰橫刺期門

愚按文義此肝乘肺也名曰橫刺期門十一字當在其腹必滿之下傷寒發熱啻啻惡寒者太陽之氣主皮毛而肺氣亦主皮毛皮毛閉拒故發熱而啻啻惡寒也大渴欲飲水者肝主木火之氣肝是動病其則嗑乾而渴也其腹必滿者此肝乘肺金氣虛而脾無所制也名曰橫猶云橫行而無忌也亦刺肝之期門以瀉肝經之熱夫刺之而自肝出小便利者此汗木平而肺氣通水津布而病欲解也○高子曰按上古素問以湯液助正氣用毒藥攻邪病在經脈者以針取之此則首論病在三陰三陽之氣分用柴胡湯以助正氣如芒硝大黃之類以去邪未結血脈相乘者以針取之經氣之道乃醫學之大綱學者宜潛心體析者也

太陽病二日反躁反慰其背而大汗出火熱入胃胃中水竭躁煩必發讞語十餘日振慄自下利者此為欲解也故其汗從腰以下不得汗欲小便不得反嘔欲失溲足下惡風大便鞭小便當數而反不數及多大便已頭卓然而痛其人足心必熱穀氣下流故也

自此以下凡十一節皆論火攻之謬蓋火為陽水為陰太陽為諸陽主氣而上合君火之神不可妄用火攻者也高子曰此節分二段看太陽病至此為欲解也一段言陽明得少陰之氣而自解下段言少陰得陽明之氣相濟而釋所不解之義太陽病一日者病在陽明也反躁者病在陽而反見少陰之氣化也夫病在於陽證見于陰宜交濟其陰陽而調和其上下今反慰其背而使大汗出津液外泄火熱入胃則胃中水竭陰陽上下愈不相濟而躁煩矣火傷神氣必發讞語至于餘日當少陰主氣之期振慄自下利者陽明之燥熱得少陰陰津以和之陰陽上下自相交合為欲解也此言陽亢於上得少陰之陰氣而自解也夫未解之時火慰其背而大汗出故其汗從腰以下不得汗氣不下化故欲小便不得反上逆而嘔陰氣不升故欲失溲而足下惡風胃中水竭故大便鞭夫

大便鞭則小便當數而反不數及多及多者不多也夫小便少則津液當還入胃中不久必大便夫所謂振慄自下利者乃大便已頭卓然而痛之謂也蓋陽明之氣在上足心乃少陰腎藏之湧泉其人足心必熱以陽明熱神之氣下流而交於陰故也此言少陰得陽明之氣兩相交濟而釋所以解之意也上下用二故事義可知矣○金氏曰此下雖論火攻其中正邪虛實表裏上下陰陽氣交血氣流行為治病之張本

太陽病中風以火劫發汗邪風被火熱血氣流溢失其常度而陽相重灼其身發黃陽盛則欲衄陰虛則小便難陰陽俱虛竭身熱則枯燥但頭汗出刺頸而還腹滿微喘口乾咽爛或不大便久則譫語甚者至噦手足躁擾捻衣摸床小便利者其人可治

太陽病中風反以火劫發汗邪風被火熱則血氣流溢而失其循行之常度矣風火之陽兩相重灼則身色如熏黃陽熱盛於上則欲衄陰液虛於下則小便難夫陽氣盛則重膚充身澤毛若霧露之溉陰液充則腠理發泄潤澤皮膚陰陽俱虛竭身體則枯燥矣孤陽上出故但頭汗出刺頸而還此因火攻而致陰陽之不和也腹滿微喘陰氣逆于下也口乾咽爛陽熱盛於上也或不大便久則譫語邪氣留於中也甚者至噦此上中下三焦之氣不和致胃不輸轉而為逆呃也夫四肢為諸陽之本水穀之津液灌溉于四旁陽虛陰竭則手足躁擾捻衣摸床若小便利者陰陽雖虛竭而得三焦中胃之調和故其人可治○愚按通節皆危險之症重在小便利者其人可治所謂陰陽自和者勿治之得小便利必自愈○凌氏曰此假小便利之利以喻三焦中胃之和勿專泥於小便可也仲賢之文每當悟於言外

傷寒脈浮醫以火迫切之亡陽必驚狂起卧不安者桂枝去芍藥加蜀漆牡蠣龍骨救逆湯主之

桂枝去芍藥加蜀漆牡蠣龍骨救逆湯方

- 桂枝 三兩
- 甘草 二兩
- 大棗 十二枚
- 生薑 三兩
- 牡蠣 熬 五兩
- 龍骨 四兩
- 蜀漆 三兩 洗去腥
- 右七味以水一斗二升先煮蜀漆減二升內諸藥取三升去滓溫服一升

傷寒脈浮病在太陽之表以火迫切則陽氣外泄矣亡陽則神失其養必為狂而起卧不安也用桂枝保助心神龍骨牡蠣啟水中之生陽蜀漆芫常山之苗從陰違陽以清火熱甘草東薑助中焦水穀之精以生此神芍藥苦洩故去之夫太陽合心主之神外浮于膚其表以火迫劫之此為逆也用桂枝加蜀漆牡蠣龍骨湯啟下焦之生氣助中焦之穀精以續外亡之陽故名曰救逆

形作傷寒其脈不弦緊而弱弱者必渴被火者必讞語弱者發熱自脈浮解之當汗出而愈

此形體虛弱而自作甚熱亦不可以火攻也形作傷寒者形體自作之寒非感天之寒邪也夫正受邪尅其脈則弦邪正相持其脈則緊此非外邪故脈不弦緊而但弱也弱為陰虛故弱者必渴若被火攻則火熱入胃神氣虛微必發讞語夫弱為陰虛不但於渴而且發熱矣得脈浮而氣行於周身之膚表則解之當自汗出而愈矣○曾氏曰久病虛弱之人忽作甚熱發熱而渴即形作傷寒也醫以外感治之而致敗者不可勝數矣

太陽病以火重之不得汗其人必躁到經不解必暈血名為火邪

太陽病以火重之則傷其表陽多氣不得汗則不得陰液以和之火傷心主之神故其人必躁躁者上傷心主之神而下動少陰之氣也到經者成氏謂復到太陽之經則當汗出而解若不解則火氣內攻必動其血而下暈矣此因火致劇名為火邪

脈浮熱甚反多之此為實實以虛治因火而動必咽燥唾血

脈浮熱甚此為邪實于外而反以陷下之法灸之是實以虛治也因火而動其血故必咽燥唾血

○高子曰上文動皮腠之血而下暈此動下焦之血而上唾下節動厥中之血而難復血氣流行確有妙義讀者其致思焉

微數之脈慎不可灸因火為邪則為煩逆虛逐實血散脈中火氣雖微內攻有力焦骨傷筋血難復也

微為虛數為執微數之脈則為虛執故慎不可灸凡因火為邪則逆于內而必煩故為煩逆微數之脈而以火灸

之是徒追其虛而妄逐其實故皮膚熱肉之血散于經脈之中而不能外達蓋火氣雖微內攻于脈中則有力也夫既內攻必致焦骨傷筋而血難復于脈中矣。張氏曰血脈者所以利關節濡筋骨協火內攻焦傷必致故云有力

脈浮宜以汗解用灸灸之邪無從出因火而盛病從腰以下必重而痺名火逆也欲自解者必當先煩乃有汗而解何以知之脈浮故知汗出解也

成氏曰脈浮在表宜以汗解之醫以灸灸之則陰液不施而邪無從出陽氣因火而盛于上則病從腰以下必重而痺所以然者氣浮於外而反灸之則啟其身半以下之陽并於上矣從腰以下陽氣虛微故身重而痺此因火而致陽氣上逆名火逆也夫脈浮者太陽與心主之神氣相合而外浮心主之血液欲化為汗而自解者必當先煩乃有汗而解何以治之以脈浮則知氣行于周身之膚表而血液隨之外出血隨氣行者也。燕氏曰此節申明前節脈浮解之當汗出而愈之義

燒鍼令其汗鍼處被寒核起而赤者必發脊脈氣從小腹上衝心者灸其核上各一壯與桂枝加桂湯更加桂二兩

桂枝加桂湯方

桂枝 三兩 芍藥 三兩 生薑 三兩 甘草 二兩 大棗 十二枚 牡桂 二兩合桂枝共五兩

右六味以水七升煮取三升去滓溫服一升

夫經脈之血氣主於上焦之心神而本於下焦之腎精者也燒針令其汗者取經脈之血液而為汗也針處被寒核起而赤者寒薄於外而君火之氣應之也神氣外浮必動其腎氣而作奔豚心腎之氣相應也灸其核上各一壯以開經脈之閉吸脈道疎通則神機旋轉而邪奔自下矣與桂枝加桂湯益心主之神資中焦之汁申明加桂者更加牡桂二兩也

火逆下之因燒針煩躁者桂枝甘草龍骨牡蠣湯主之

桂枝甘草龍骨牡蠣湯方

桂枝一兩

甘草二兩

龍骨二兩

牡蠣二兩

右四味以水五升煮取二升半去滓溫服八合

火逆者因火而逆也逆則陽氣浮下之則陰氣下陷因加燒針則陰陽水火之氣不和夫太陽不得少陰之氣以和之則煩少陰不得太陽之氣以下交則躁宜桂枝甘草龍骨牡蠣湯和太陽少陰心腎相交之血氣

太陽傷寒者加溫鍼必驚也

太陽傷寒者傷寒太陽之氣也妄加溫鍼以取血脈之汗無故而煩必發驚也觀此則知傷寒病在六氣而不涉經脈矣○施氏曰溫者熱也溫針者即燔針焮刺之類也燒鍼者既鍼而以艾火灼之也皆為火攻之義

太陽病當惡寒發熱今自汗出反不惡寒發熱關上脈細數者以醫吐之過也一二日吐之者腹中飢口不能食三四日吐之者不喜糜粥欲食冷食朝食暮吐以醫吐之所致也此謂小逆

此下凡四節統論吐之之過而有邪正虛實之分焉此節言吐傷中土而脾胃虛寒二日乃陽明主氣故吐之則傷胃三四日乃太陰主氣故吐之則傷脾也病屬太陽當惡寒發熱今自汗出反不惡寒發熱而關上脈細數者何也以醫吐之過也夫吐之則津液外亡中氣內虛是以汗出而關脈細數關以候中也夫一二日吐之則傷

陽明胃土之氣故腹中雖飢而口不能食胃主納穀故也三四日吐之則傷太陰脾土之氣夫胃氣虛者糜粥自

養今不喜糜粥胃氣寒者飲食宜溫今欲食冷食夫陽明太陰互相資益朝食暮吐者脾不磨而反出脾主消穀故也凡此皆以醫吐之所致也本論曰脈浮大應發汗醫反下之此為大逆今但以醫吐之故為小逆○馬氏曰

正虛邪陷胃氣孤危此尚得為小逆乎此為小逆詰詞也亦通○金氏曰本文雖言一二日三四日究以二日四日為主所謂言不盡意也

太陽病吐之但太陽病當惡寒今反不惡寒不欲近衣此為吐之內煩也

此言吐亡津液而致陽熱過盛也太陽病反不惡寒至不欲近衣乃陽熱盛而陰液消亡此為吐之內煩者言吐傷心主之氣而煩也

病人脈數數為熱當消穀引食而反吐者此以發汗令陽氣微隔氣虛脈乃數也數為客熱不能消穀以胃中虛冷故吐也

愚按上兩節言醫吐之之過此合下兩節言病人自致其吐也病人脈數為熱熱當消穀引食而反吐者此以發汗令表陽氣微隔內氣虛而脈數數則為虛矣故數為客熱非太陽之正氣不能消穀也夫客熱內來則真陽不足胃中正氣虛冷故吐也高子曰胃中虛冷得太陽之氣而不除中

太陽病過經十餘日心下溫溫欲吐而胸中痛大便反溇腹微滿譁譁微煩先其時自極吐下者與調胃承氣湯若不爾者不可與但欲嘔胸中痛微溇者此非柴胡證以嘔故知極吐下也

此言邪實於胃宜調胃承氣湯太陽之邪逆於中土宜柴胡湯若少陰之氣陷於脾土便溇腹滿不能合太陽之神機外出者急當救裏此胡不中與也太陽病過經十餘日此太陽之邪又傳少陰也少陰合心主之神機出入欲出而不能故溫溫欲吐也胸中痛者合太陽之氣欲從胸而出也氣欲外轉而大便反溇腹微滿則少陰之神機逆而不出故譁譁微煩夫欲吐而大便溇亦有胃實之證審其未至于餘日之時自極欲吐下而為胃實者與調胃承氣湯不爾者不可與慎之也但此欲嘔胸中痛微溇三者乃少陰之邪陷于脾土此非柴胡證救裏奇也以嘔故知極吐下也言亦非承氣證不過以嘔故審知其極欲吐下否也愚按不爾者不可與則承氣湯亡矣又云以嘔故知極吐下言但以嘔之故而自極吐下又亡矣學者所當意會者也

太陽病六七日表證仍在脈微而沉反不結胸其人發狂者以熱在下焦小腹當鞭滿小便自利者下血乃愈所以然者以太陽隨經瘀熱在裏故也抵當湯主之

抵當湯方

水蛭去翅足款 各三十個 大黃三兩 酒洗 桃仁三十個

右四味以水五升煮取三升去滓溫服一升不下再服

此下凡四節皆以小便而驗血證也夫太陽之氣循經而下通於胞中太陽經脈起于目內眥從顛下項挾脊抵腰入循膂而內絡膀胱是以病在上則頭痛其次則項背強凡几循俞內入則合陽明循經下入則結于胞中而為下血證矣太陽病六七日環運已周又當來復於太陽表證仍在者太陽之氣運行于外內而病氣仍在表也脈微而沉者太陽之氣隨經脈而沉以內薄也夫太陽之氣從胸出入今反不結胸者循背下而不從於胸脇也其人發狂者陽熱之氣薄於血室陰不勝其陽則脈流薄瘀并乃狂非若如狂之在氣分也以熱在下焦小腹當有形之鞭滿蓋血瘀則鞭氣結則滿非若無形之急結也小便自利者不在氣分而歸於血分矣下血乃愈所以然者以太陽隨經瘀熱在裏故也抵當湯主之蠱蟲水蛭皆吮血之蟲二飛一潛潛者下行在裏之瘀飛者上承隨經之熱配桃仁以破瘀大黃以行血名曰抵當湯者謂抵當隨經之熱而使之下洩也○高子曰太陽表邪循背下入則為抵當湯證而屬有形從胸下入則為桃仁承氣湯證而屬無形曰抵當曰承氣則有形無形氣分血分從可識矣

太陽病身黃脈沉結少腹鞭小便不利者為無血也小便自利其人如狂者血證諦也抵當湯主之

此言太陽之氣從中土而通於胞中也太陽病身黃者病太陽而見中土之色也脈沉結者太陽病氣隨經脈而沉結於內少復鞭者由地中而下通於裏下也此氣結于中土循中土而下及於少腹若小便不利者此為氣結未涉於血為無血也小便自利其人如狂者氣分之熱歸於血分血證諦也抵當湯主之諦審也如一諦字者言從中土而結于少腹是循胸膈之氣分而下不循脊背之經齊而下故如狂而不發狂必審知其熱歸血分方主抵當湯

傷寒有熱少腹滿應小便利今反利者為有血也當下之不可餘藥宜抵當丸

抵當丸方

蠱蟲去翅足 水蛭熬各二 桃仁二十個 大黃三兩

右四味搗分為四丸以水一升煮一丸取七合服之暍時當下血若不

傷寒有熱邪在內也少腹滿者瘀在裏也此熱在氣分而及于少腹應小便不利今反利者氣分多熱已歸於血

分矣當下之不可餘藥宜抵當丸謂傷寒之熱盡歸於胞中故用丸以清胞中之血無胞外之餘熱故不可餘藥

丸緩故至暍時當下。夫熱結膀胱必小便利而後為有血者何也蓋膀胱者乃胞之室胞中有血膀胱無血小

便不利者熱結膀胱也小便利則膀胱氣分之邪散入於胞中之血分故必下血乃愈蓋膀胱通小便胞中又通

大便矣

太陽病小便利者以飲水多心下必悸小便少者必苦裏急也

此言小便利不利之不同於血證也太陽病小便利者有以飲水多矣飲水多心下必悸矣小便不利而少者有

以氣不化氣不化必苦裏急也其不同於血證者如此。盧氏曰以飲水多而小便利非血證諦而小便利也故

結此以別之

問曰病有結胸有藏結其狀何如答曰按之痛寸脉浮關脉沉名曰結胸也

自此以下凡十節論太陽之結胸不同於少陰之藏結痞氣陽氣受病而為大陷胸湯之證也結胸者病發於太

陽而結於胸也藏結者病發於少陰而結於藏也病氣結於胸膈之有形而太陽之正氣反格於外而不能入故

按之痛太陽之氣主高表故寸脉浮邪結於胸故關脉沉名曰結胸也。張氏曰邪結於胸太陽正氣不能內入

則為結胸太陽正氣內結病邪拒於胸膈而正氣不能外出亦為結胸然邪結於胸者可下太陽正氣結於胸者

不可下觀下結胸證其脉浮大結胸證悉具兩節而義可知矣。愚按自此以下凡三十九節統論痞結之證夫

結者結胸藏結是也痞者痞氣是也然結胸有在氣在經之不同在氣則為大結胸在經則為小結胸藏結有在

心下脇下之各異在心下則為痞在脇下則為三陰藏結之元證夫大小結胸痞氣藏結俱有死有生本大結胸言死證而小結胸不言藏結言死證而痞氣不言其中各宜體會豈法氣脈自病有結胸有藏結始直至脇下素有痞此名藏結級其中在氣在經在上在下陰陽生死內外證治并并有條學者玩索而有得焉則終身取之而其義無窮矣

何為藏結答曰如結胸狀飲食如故時時下利寸脈浮關脈小細沉緊名曰藏結古上白胎滑者難治

此言藏結狀如結胸而有少陰太陽之別也如結胸狀者少陰之神機格于外而不能入亦於太陽結胸之狀然病氣不結于胸膈之有形故飲食如故時時下利者病邪陷于陰也寸脈浮者神氣浮於外也關脈小細沉緊者少陰陰氣盛故脈小細君火之氣陷于陰故沉緊也此病發於陰故名曰藏結古上白胎滑者神氣格於外而心氣虛寒不得陽熱化也故為難治

藏結無陽證不往來寒熱其人反靜古上胎滑者不可攻也

此承上文藏結而言少陰君火主氣有陽熱之證少陰標陰本熱而外合太陽有往來之寒熱今藏結無陽證不往來寒熱故其人反靜意謂病無君火本熱之陽而反見陰寒虛靜之象古上胎滑者心火之氣已虛故不可攻也○潘氏曰按文義若藏結有陽證亦屬攻可

病發於陽而反下之熱入因作結胸病發於陰而反下之因作痞也所以成結胸者以下之太早故也結胸項亦強如柔痙狀下之則和宜大陷胸丸 方見注內

上文言病少陰而不得陽熱之氣則為藏結此言病少陰而上承君火之陽則下之成痞痞與藏結咸發於陰而又有陰陽上下之殊不但不同於結胸也病發於陽者發於太陽也太陽主表宜從汗解而反下之則胃中空虛熱邪內入而結于胸膈之陽分因作結胸病發於陰者發於少陰也少陰上火下水而主神機出入治當助其君火之陽而反下之則邪入於胸膈之陰分因作痞也夫未論痞先論結胸其所以成結胸者以下之太早故也夫

傷寒集言卷之二
藏結狀如結胸而結胸之狀何如結胸者項亦強如柔瘕狀所以然者太陽之氣運行於膚表氣結於胸則通體之氣機不轉是以項亦強如柔瘕之凡凡然故下之則和宜大陷胸丸芒硝大黃上承太陽之邪熱以下行葶藶杏仁和肺氣以解太陽之氣結蓋太陽之氣主通體之皮毛肺主氣而主皮毛也甘遂氣味苦寒主破堅積利水道太陽氣結則水道不利水道行則氣結亦解矣用丸者丸緩留中解胸內之邪結疎太陽之表氣故不第曰下之而曰下之則和者緩下也則用湯則必一鼓而下矣

結胸證其脈浮大者不可下下之則死

合下兩節言太陽正氣內結不能外出而非邪結也夫太陽之氣生于下焦從中膈而外出于膚表結胸證者言太陽之氣結於中也其脈浮大者太陽之氣虛於內而浮大於外也下之則太陽根氣益虛不與表陽相接外內離脫故死也○張氏曰治邪結易治正結難治治患結胸而死者皆正結也

結胸證悉具煩躁者亦死

此亦申明太陽之氣生于下焦上合心主之神以外浮結胸證悉具者在外之如柔瘕狀在內之膈內拒痛外內之證悉具也煩躁者上下之陰陽不相交濟也故上節外內相離者死此上下不交者亦死夫太陽正氣流行環轉不息一息不通則生化滅一絲不續則宮壤判是以太陽之氣結於中不同邪結胸中之結胸醫者所當簡別者也

太陽病脈浮而動數浮則為風數則為熱動則為痛數則為虛頭痛發熱微盜汗出而反惡寒者表未解也醫反下之通數變遲膈內拒痛胃中空虛客氣動膈短氣躁煩心中懊憹陽氣內陷心下因鞭則為結胸大陷胸湯主之若不結胸但頭汗出餘處無汗劑頸而還小便利身必發黃

大陷胸湯方

大黃六兩 芒硝一升 甘遂一錢

右三味以水六升先煮大黃取二升去滓內芒硝煮一兩服內甘遂未溫服一升得快利止後服

合下四節皆為大陷胸湯之證而有風結寒結水結燥結之不同此節言風中太陽之表氣醫反下之而成結胸也浮則為風風邪在表也數則為熱風乃陽邪與太陽之氣合而為熱也經云氣傷痛風傷太陽之氣故脈動而動則為痛夫邪之所湊其正必虛風寒太陽而為熱則正氣虛微故數則為虛頭痛發熱病在表也表氣虛故微盜汗出夫汗出則毛腠疎通而反惡寒此表未解也醫反下之則邪正之氣並陷於內故動數之脈變為遲矣下之則邪逆於內故膈內拒痛而胃中空虛客邪乘虛動膈故短氣躁煩蓋膈之上心肺也膈之下肝腎也呼出心與肺吸入肝與腎邪結於中則呼吸不利故短氣上下水火不交故躁煩也邪留於中故心中懊憹陽氣內陷故心下因鞭則為結胸大陷胸湯主之此邪結於內故用芒硝大黃甘遂以破邪使結邪一散而下不必破氣達表之葦蕪杏仁夫風乃陽動之邪即陷於胸而有不結者若不結胸則下陷於中土但頭汗出者太陽之氣不能從樞脇以出表惟從中土而上逆也故餘處無汗壅頸而還中土滯而水道不行是以小便不利小便不利則濕熱相留身必發黃治當利其小便也

傷寒六七日結胸熱實脈沈而緊心下痛按之石鞭者大陷胸湯主之

此節言寒邪入結於胸膈不因下而成結胸者亦大陷胸湯之所主也傷寒六七日太陽之氣當來復於外今結胸而熱實乃寒邪之熱入結於內故脈沉而緊邪氣內執故心下痛而按之石鞭也大陷胸湯主之

傷寒十餘日熱結在裏復往來寒熱日與大柴胡湯但結胸無大熱者此為水結在胸脇也但頭汗汗出者大陷胸湯主之

此節言水邪結于胸脇亦不因下而成結胸者也傷寒十餘日當少陰主氣之期少陰不能合心主之神氣以外出則熱結在裏少陰合太陽之氣仍欲外轉故復往來寒熱者與大柴胡湯以清少陰之結以達太陽之氣如但結胸無大熱者此少陰之氣陷於內而太陽膀胱水氣亦不能從胸脇而運行於膚表此水結在胸脇也夫既結

於胸脇但頭汗微出者此氣機盡逆於內而濕邪上蒸無從樞轉於外大陷胸湯主之水氣洩於下則正氣出於上而旋轉不難矣

太陽病重發汗而復下之不大便五六日舌上燥而渴日晡所小有熱潮從心下至少腹鞭滿而痛不可近者大陷胸湯主之重平聲

此節言津液內竭而為太陽燥結之證也上文以氣結而致水結此因津液竭而致氣結以微水隨氣行氣隨水轉之義太陽病重發汗而復下之過亡其津液矣不大便五六日燥結在下也舌上燥而渴燥結在上也陽明之上燥氣主之日晡所小有潮熱微見陽明之氣化也從心下至少腹鞭滿而痛下之而邪結於內也鞭痛而手不可近乃太陽表氣之不和夫太陽之氣主通體之皮毛非陽明承氣之燥結故主大陷胸湯以行鞭滿而達太陽之氣則液隨氣轉矣○張氏曰全在痛不可近四字以證太陽結胸

小結胸病正在心下按之則痛脉浮滑者小陷胸湯主之

黃連 一兩

半夏 半斤

枳實 大者一枚

右三味以水六升先煮枳實取三升去滓內諸藥煎取二升去滓分溫三服

自此以下凡十三節皆論經脈結邪或涉心主絡脉或干厥陰血分或病少陰心氣皆為小結胸證與大結胸之在氣分而在胸膈出入者稍異也小結胸者太陽之氣合心主之神結於絡脉之中故正在心下按之則痛者按而始痛經脉絡邪也脉浮滑者浮乃太陽心主之氣滑乃經氣交結之邪小陷胸湯主之用黃連以瀉下心之熱半夏達陽明之邪而解胸結枳實清絡脈之邪從上而下夫行氣分之結故曰大行血分之結故曰小也

太陽病二三日不能卧但欲起心下必結脉微弱者此本有寒分也反下之若利止必作結胸未止者四日復下之此作協熱利也

合下而節論小結胸之有碍於開閤樞也此節言太陽表邪內陷不能從開而出者祇可從乎內解也太陽病二三日當陽明少陽主氣之期不能臥者太陽之主開也但欲起者少陽之主樞也心下必結者陽明之主開也以太陽之病而干少陽陽明之氣脈微弱者此本有太陽之寒分而陽明少陽之氣未盛也夫病未反本治當從本今反下之病者必利若利止則邪不下陷必結於胸此亦病發於陽而反下之因作結胸之意未止者四日復下之四日乃太陰主氣之期脾家實不能合太陽之開而外出則腐穢當下此為挾太陽之表邪而作協熱利也太陽病下之其脈促不結胸者此為欲解也脈浮者必結胸脈緊者必咽痛脈弦者必兩脇拘急脈細數者頭痛未止脈沉緊者必欲嘔脈沉滑者協熱利脈浮滑者必下血

此承上文下之而言或結胸或不結胸以脈證而驗三陰三陽之開閤樞也太陽病下之者承上文而言也其脈促則太陽陽氣在表不與裏陰相接雖下之而不結胸者太陽表氣無虧此為欲解也脈浮者太陽表陽合心主之神氣以外浮不能從胸膈內入故必結胸不但以脈而徵太陽經脈之結胸并可以脈而徵三陰三陽之開閤樞矣脈緊者必咽痛以邪正相持之脈而見少陰咽痛之證脈弦者必兩脇拘急以內減之脈而見少陽兩脇之證夫少陰少陽主樞病則不能樞轉矣脈細數者頭痛未止以裏虛風勝之脈而見厥陰頭痛之證脈沉緊者必欲嘔以陰陽內搏之脈而見陽明欲嘔之證夫厥陰陽明主閤病則有碍於開矣脈沉滑者協熱利言太陰脾土實而協陽熱下利也脈浮滑者必下血言太陽隨經瘀熱外邪內陷而下血也夫太陰太陽主開病則有礙於開矣蓋胸乃心主之宮城而三陰三陽之脈皆主於心小結胸病正在心下故經脈為病咸為小結胸證也

病在陽應以汗解之反以冷水瀼之若灌之其熱被却不得去彌更益煩肉上粟起意欲飲水反不渴者服文蛤散若不差者與五苓散寒實結胸無執證者與三物小陷胸湯白散亦可服

文蛤散方

文蛤五兩

右一味為散以沸湯和一方寸七服

白散方

桔梗

貝母各三

巴豆一分去皮心

研如脂○分去聲

左右三味為散內巴豆更於相中杵之以白飲和服強人半錢七歲者減之

此言邪之中人必始於皮毛留而不去則入於肌腠留而不去則入於經脈留而不去則入於府也病在陽病在太陽之皮毛也當是之時得汗而散也及以冷水澀之若灌之其熱被却則入於肌腠矣復留而不得去則入於經脈矣夫經脈不能合心主之神氣以流通則煩更不能由肌腠而達於皮毛則益煩彌更者轉轉之意也夫心主之神合三焦出氣以溫肌肉水寒折之不能合三焦而溫肌肉故肉上粟起心火不達故意欲飲水意欲飲水則當渴矣及不渴者假象也支蛤外剛內柔秉離明之象以資心主之氣故可服若不差者與五苓散助脾土而達三焦水道行而經脈通矣設更留而不去則入於府而為寒實結胸無表熱之證者與三物小陷胸湯以治胸中之實以通經脈之邪白散治寒結故亦可服按桔梗色白味辛開提肺氣之品故本經主治胸痛貝母色白其形若肺能消鬱結之疾巴豆辛熱有毒主破堅積開閉塞利水道用散者主開胸痺以行皮膚而散水氣也

太陽與少陽併病頭項強痛或眩冒時如結胸心下痞鞕者當刺大椎第一間肺俞肝俞慎不可發汗發汗則譫語

脈弦五日譫語不止當刺期門

此言二陽併病涉於經脈而宜刺也太陽與少陽併病言太陽之併病於少陽也頭項者太陽少陽經脈所循之部署也強痛者邪實於經也眩冒者經氣之虛也邪薄於經經氣不能從心主以外達故時如結胸而心下痞鞕也當瀉左經之邪而氣機自轉矣大椎第一間乃督脈與太陽所循之經俞肺俞者肺主皮毛刺之所以瀉太陽之邪也肝俞者厥陰乃少陽中見之氣刺之所以瀉少陽之邪也慎不可發汗以奪心液奪心液則譫語夫一日太陽三日少陽少陽之脈弦至五日而譫語不止當刺肝之期門使邪不傳厥陰亦所以瀉少陽之意也

婦人中風發熱惡寒經水適來得之七八日熱除而脈遲身涼胸脇下滿如結胸狀讖語者此陰熱入血室也黃利期門隨其實而取之

合下三節論婦人中風傷寒成熱入血室之證亦經脈結邪而為小結胸之義也婦人素不足於血若中於風則血虛而不能熱肉充膚淡滲皮毛是以發熱惡寒外傷風動之邪內動肝藏之血故經水適來得之七八日之期夫七日太陽八日陽明血氣虛而不能來復於陽故熱除身涼者氣虛也脈遲者血虛也太陽正氣不能循胸脇以外出故胸脇下滿陽明正氣不能循膺胸而內入故如太陽結胸之狀讖語者非陽明之為病此為熱入血室之病也夫經水之血肝所主也熱入血室當刺肝之期門隨其邪之所實而取之也

婦人中風七八日續得寒熱發作有時經水適斷者此為熱入血室其血必結故使如瘧狀發作有時小柴胡湯主之

上文刺期門言熱邪從血分而出此主小柴胡湯言結血從氣分而散以徵氣血相通之義婦人中風七八日承上文而言也上文云經水適來得之七八日此即申言七八日經水來而適斷也曰續得寒熱言因經水適斷而復得也發作有時者邪于血分如潮候之發而有信也此亦為熱入血室經水適斷而其血必結故使如瘧狀之發作有時也小柴胡湯主之達太陽之氣從胸脇外出則胞中之血結自解而三陽之氣和矣○愚按經水適斷四字當在七八日之下

婦人傷寒發熱經水適來晝日明了暮則讖語如見鬼狀者此為熱入血室無犯胃氣及上二焦必自愈

婦人有餘於氣不足於血者也婦人傷寒發熱者寒邪在氣在表也經水適來則在氣之邪入於血分在表之邪入於裏陰矣夫氣屬陽而主日血屬陰而主夜晝日明了者邪不在氣分也暮則讖語如見鬼狀者邪入於血分也此亦為熱入血室蓋胞中之血生於胃府水穀之精故無犯胃氣及上二焦者以上焦出胃上口中焦亦並胃中也胃氣和而三焦通暢則流溢於中布散於外血室不虛而外邪自散矣

傷寒六七日發熱微惡寒支節煩疼微嘔心下支給外證未去者此胡桂枝湯主之

柴胡桂枝湯方

柴胡 四兩

黃芩

人參 各一兩半

半夏 二合

甘草 一兩

桂枝

芍藥

生薑 各一兩半

大棗 六枚

右九味以水七升煮取三升去渣溫服一升

此言病厥陰太陽之氣於支節間結於內而病于外也傷寒六七日乃從厥陰而來復於太陽之期也發熱微惡寒者太陽之氣化也支節煩疼者厥陰太陽經脈之為病也蓋厥陰心包主脈絡而通貫於支節太陽合心主之神而遊行於支節病則不能通貫遊行故煩疼也微嘔者胃絡之氣不和也心下支結者亦厥陰之行於懸絡而太陽之滯于出入也夫結於內而病於外外證未去者柴胡桂枝湯主之柴胡湯達太陽之氣桂枝湯達厥陰之氣脈絡內通而外證自去矣

傷寒五六日已發汗而復下之胸脇滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯主之

柴胡桂枝乾薑湯方

柴胡 半兩

桂枝 三兩

乾薑 二兩

黃芩 三兩

牡蠣 二兩

甘草 二兩

枳實根 四兩

右七味以水一斗二升煮取六升去滓再煎取三升溫服一升日三初服微煩復服汗出便愈

愚按上節六日厥陰屬心包此節六日厥陰合少陽以證六氣變通不可執一之義傷寒五六日當少陰厥陰主氣之期夫厥陰不從標本從中見少陽之化少陽少陰並主神機樞轉者也如已發汗而復下之則神機內鬱不能樞轉於外胸脇滿者少陽之氣不能合太陽而外出也微結者少陰之氣不能合太陽而外出也三焦不和故小便不利結在君火之分故渴不涉于中胃故不嘔也但頭汗出者心液上蒸也往來寒熱者少陽欲出而不能

也心煩者少陰欲出而不能也故曰此為未解也宜柴胡桂枝乾薑湯狂蠱啟厥陰之初陽蕪根啟少陰之陰液柴胡桂枝黃芩從少陽而達兩陰之氣於太陽乾薑甘草和胃而資其土氣病雖不涉中土必藉土灌四旁後能陰陽和樞機轉而汗出愈

傷寒五六日頭汗出微惡寒手足冷心下滿口不欲食大便鞭脈細者此為陽微結必有表復有裏也脈沉亦在裏也汗出為陽微假令純陰結不得復有外證悉入在裏此為半在裏半在外也脈雖沉緊不得為少陰病所以然者陰不得有汗今頭汗出故知非少陰也可與小柴胡湯設不了了者得屎而解

此承上文傷寒五六日頭汗出言少陰心液上蒸為陽氣微結亦為小結胸證而非少陰純陰之藏結也傷寒五六日頭汗出者承上文而言也少陰心液上蒸不能合太陽而外出故微惡寒陽氣不能通遍於四肢故手足冷心下滿者小結胸病也口不欲食大便鞭者邪結於中而上下否塞也脈細者少陰之脈也少陰君火內鬱故此為陽氣微結於內必有在表之頭汗微惡寒手足冷而復有在裏之心下滿口不欲食大便鞭之症也結胸章云關脈小細沉緊名曰藏結不但脈細在裏脈沉亦在裏也但頭汗出為陽氣外微假令小陰之純陰結不得復有頭汗之外證當痛引少腹入陰筋而悉入在裏以上諸證則為半在裏半在外也脈雖沉緊亦不得為少陰藏結之病所以然者陰不得有汗今頭汗出故知非少陰也可與小柴胡湯以治半裏半外之證設外已解而裏證不了了者更得屎而解○曹氏曰純陰結藏結之結於脇下而屬三陰者也陽微結藏結之結於心下而為痞氣者也此節隱寓痞證下節明言痞證并示小柴胡不中與而治以半夏瀉心湯學者須體證章法炤應之意

傷寒五六日嘔而發熱者柴胡湯證具而以此藥下之柴胡證仍在者復與柴胡湯此雖已下之不為逆必蒸蒸而振却發熱汗出而解若心下滿而鞭痛者此為結胸也大陷胸湯主之但滿而不痛者此為痞柴胡不中與之宜半夏瀉心湯

半夏瀉心湯方

半夏半助 黃芩 甘草 乾薑 人參各二兩 黃連一兩 大棗十二枚

右七味以水一斗二升煮取六升去滓再煎取三升溫服一升日三服

此承上文可與小柴胡湯之意而申言痞證之不可與也此節分三段上段言柴胡湯證真雖下不為逆復可與柴胡湯中段言下之而成結胸大陷胸湯下段言痞證但滿不痛不可與柴胡而宜半夏瀉心湯黃芩黃連瀉心下之痞熱半夏人參宜補中胃之氣甘草乾薑太棗助脾土之氣以資少陰心主之神土氣益而中膈舒火執清而痞氣愈矣○莫氏曰此心下滿而鞭痛小結胸證也大陷胸湯亦可治小結胸證於此見之○沈氏曰言痞證但滿不痛所以別小結胸之按之而痛又寓濡軟氣痞之意

太陽少陽併病而反下之成結胸心下鞭下利不止水漿不下其人煩

此節言太陽不能合少陽之樞轉而遊行於內外并又不能並三焦之真氣而出入於經脈以結小結胸之義太陽少陽併病則太陽之病併於少陽治宜從樞達表而反下之則神機內鬱故成結胸心下鞭者正在心下出入有乖也下利不止者下焦之氣虛寒也水漿不下者上焦之氣衰微也其人心煩者中焦之心脈不舒也小結胸病正在心下心合三焦故言此以結之

脈浮而緊而復下之緊反入裏則作痞按之自濡但氣痞耳

自此以下凡十六節皆論痞證其中有虛實寒熱之分三陽三陰之別下十二節皆言心下痞至十四五六節則言心中痞胸中痞脇下痞所以結痞證結胸臧結之意而復有至義焉此節言病發於陰而反下之因作痞脈浮言表也緊者少陰之邪外與太陽相搏故浮而緊也病發少陰而復下之則挾邪內陷故緊反入裏則作痞邪正之氣並陷於內不同太陽之結胸故按之自濡濡軟也虛寒之象也但氣痞耳不涉於有形也於瀉心湯中求之首節但言氣痞以明心下痞鞭之屬於氣也

太陽中風下利嘔逆表解者乃可攻之其人漿漿汗出發作有時頭痛心下痞鞭滿引脇下痛乾嘔短氣汗出不惡

寒者此表解裏未和也十棗湯主之

十棗湯方

芫花熬 甘遂 大戟

右三味等分各別搗為散以水一升半先煮大棗肥者十枚取八合去滓內藥末強人服一錢七歲人服半錢

七得快下利後糜粥自養

此言太陽痞鞭之證表解而邪實於內乃可攻之太陽中風表證也下利嘔逆則太陽之邪陷於中上似乎可攻然表解者乃可攻之其人熱熱汗出者風傷肌腠也發作有時頭痛者隨太陽氣旺之時而頭痛也心下痞鞭滿引脇下痛乾嘔短氣乃太陽之邪逆於中土而不能樞轉於外夫熱熱汗出而不惡寒雖頭痛時作此為表解其痞鞭滿痛乾嘔等證為邪實於內而裏未和也十棗湯主之芫花氣味苦溫花性在上熬令赤色皆取衆心從上而下之意甘遂大戟其味苦寒其性下洩心下之痞鞭滿痛可以直逐而下邪氣下行太陽正氣上出用十棗者助脾土之氣也糜粥自養者養其胃氣焉觀此則凡攻痞鞭者雖有實證須顧其脾胃之土氣方不患按頭痛表證也然亦有在裏者如傷寒不大便五六日頭痛有熱者與承氣湯與此節之汗出不惡寒而頭痛為表解則凡遇風寒頭痛之證可審別矣

太陽病醫發汗遂發熱惡寒因復下之心下痞表裏俱虛陰陽氣並竭無陽則陰獨復加燒針因胸煩面色青黃

暈者難治今色微黃手足溫者易愈

此言太陽表氣虛微下之成痞不可更傷其血脈也太陽病醫發汗遂發熱惡寒者太陽表虛之證也因復下之則正氣益虛故心下痞不曰結胸而曰痞者以既汗復下表裏俱虛陰陽氣並竭無太陽之表陽有陰邪之獨陷也此言太陽表虛下之成痞然太陽之氣又合心主之神行於脈中復加燒針更傷其血脈之氣故胸煩夫心之合脈也其榮色也面色青黃乃土虛木乘之色膚暈者血氣虛而不能熱肉充膚此陰陽血氣皆虛故為難

治今色微黃土氣復也手足溫與氣和也夫陽氣從地而出自陰而生故色微黃手足溫者易愈○惡痞病發於陰下之成痞須知太陽表虛即為陰證不必泥定少陰矣

心下痞按之濡其脈關上浮者大黃黃連瀉心湯主之

大黃黃連瀉心湯方

大黃二兩 黃連一兩

右以麻沸湯二升漬之須臾絞去滓分溫再服

大黃黃連氣味微寒其性善世生則易行熱則運緩故麻沸湯漬之

此病少陰君火之氣而為熱痞之證也少陰之上君火主之病氣與君火之氣結於心下而為痞火熱傷氣故按之濡其脈關上浮者神機欲轉而未能也以大黃黃連瀉心之邪熱下行則水火交而既濟無咎矣

心下痞而復惡寒汗出者附子瀉心湯主之

附子瀉心湯方

大黃二兩 黃連

黃芩各一兩

附子

一苦炮去皮破則煮取汁

右四味切三味以麻沸湯二升漬之須臾絞去滓內附子汁分溫再服

此承上文心下痞而言更病太陽寒水之證也心下痞者少陰君火內結也復惡寒者太陽本寒之氣呈於表汗

出者太陽標陽之氣脫於外故以附子瀉心湯救太陽之標陽而瀉少陰之大熱用三黃以治君火之內結熱附

以圍標陽之外脫夫太陽少陰標本相合水火相濟有是證用是方非明乎陰陽水火之至義何能用此以活人

本以下之故心下痞與瀉心湯痞不解其人渴而口燥煩小便不利者五苓散主之

此言土氣不升而為燥痞之證也以因也本因下之則中土內虛故心下痞與瀉心湯以治下之邪則痞不解其

人渴而口燥煩小便不利者乃津液不升由於土氣之不能游溢於上通調於下也五苓散主之澤瀉猪苓白朮

主助地氣上升桂枝茯苓歸伏心氣主助天氣下降天地水火不交而成痞矣則津液通而為泰矣
傷寒汗出解之後胃中不和心下痞鞭乾噫食具脇下有水氣腹中雷鳴下利者生薑瀉心湯主之

生薑瀉心湯方

生薑四兩 甘草 人參各三 乾薑一兩 黃芩三兩 半夏半兩 大棗十二 黃連二兩

右八味以水一斗煮取六升去滓再煎取三升溫服一升日三

合下七節首二節言胃中不和而為痞胃中者陽明也中三節言三焦不和而為痞三焦者少陽也末二節言表證未解而為痞表者太陽也夫上章病發于少陰有臧結多結胸此言病發於三陽有心下之痞證此節言胃氣不和而成痞鞭之證也傷寒汗出解之後其病當愈胃中不和者汗出而津液虛也胃絡上通於心胃中不和故心下痞鞭乾噫者脾胃不相運而上走心為噫也食具者脾不磨而胃穀不消也脇下有水氣者胃氣之不能上輸於脾也然不言胃而言脇以明游溢散精必平樞脇也腹中雷鳴下利乃邪在太陽而屬於胃生薑瀉心湯主之生薑半夏宣達陽明胃氣上輸於脾乾薑大棗資益脾氣以行於胃甘草人參補助中土配芩連以瀉心下之痞鞭

傷寒中風醫反下之其人下利日數十行穀不化腹中雷鳴心下痞鞭而滿乾嘔心煩不得安醫見心下痞謂病不盡復下之其痞益甚此非結熱但以胃中虛客氣上逆故使鞭也甘草瀉心湯主之

甘草瀉心湯方

甘草四兩 黃芩 乾薑各三 半夏半兩 黃連一兩 大棗十二

右六味以水一斗煮取六升去滓再煎取三升溫服一升日三

合上兩節皆言陽明胃氣不和而為痞也傷寒中風宜從汗解醫反下之則氣機下陷故其人下利日數十行挾邪內入有飛蒸變故穀不化而腹中雷鳴邪氣內入則正氣不能上升故心下痞鞭而滿胃氣不能橫偏於外故

乾嘔心煩不得安凡此痞鞭等證乃正氣仍欲下而上從中而外也醫見心下痞謂病不盡復下之甚極無其矣然此不盡之證非為結熱但以下利而胃中虛客氣因虛上逆故使鞭也甘草瀉心湯主之甘草大棗甘以補中乾薑半夏辛以上達之連苦寒以瀉邪熱邪熱清而正氣外達矣

傷寒服湯藥下利不止心下痞鞭服瀉心湯已復以他藥下之利不止醫以理中與之利益其理中者理中焦此利在下焦赤石脂禹餘糧湯主之復利不止者當利其少便

赤石脂禹餘糧湯方

赤石脂

太乙禹餘糧 各一觔

右以水六升煮取二升去滓分溫三服

按神農本草經太乙餘糧禹餘糧各為一種既云太乙禹餘糧此方宜于三味或相傳有誤

合下三節皆論三焦不和而為痞此節言下焦主決瀆次節言上焦主經脈二節言中焦主中胃傷寒服湯藥者言外邪已解也下利不止心下痞鞭者言胃氣空虛而三焦不和也服瀉心湯已謂上焦之病氣已去復以他藥下之謂中焦之病氣已和尤利不止者此利在下焦若醫以理中與之溫其中焦則理益其天理中者理中焦此利在下焦必治其下焦而中上皆和方為有濟其庶乎赤石脂禹餘糧湯主之石性鎮墜主治在下而各有所司石脂乃石中之脂氣味甘溫主養心氣能調上焦之氣而下交者也太乙餘糧得土氣之專精而和中焦禹餘糧得水氣之專精而和下焦三焦通暢人即安和復利不止者當利其小便蓋下焦主濟泌別汗而滲入膀胱赤石脂禹餘糧湯非分別水穀者也而況理中乎意謂治三焦者當審別其上下焉

傷寒吐下後發汗虛煩脈其微八九日心下痞鞭脇下痛氣上衝咽喉眩冒經脈動惕者久而成痿

此言上焦之主經脈也傷寒吐下後謂中氣已虛若更奪其心液而為汗則上焦心氣虛煩而脈其微八九日當陽明主氣而致在少陽之期心下痞鞭者陽明土氣不和也脇下痛者少陽樞轉不利也夫少陰屬腎腎連肺

氣上衝咽喉者上焦心氣虛微宗氣上逆而不能交會於下也眩冒者少陽虛風上乘也經脈動惕者心血虛而筋無所養也蓋少陽主樞機陽明主四肢心氣虛則兩陽之氣亦虛久久必樞機內廢四肢外馳故久而成痿痺者如委棄而不為我用之意凡此皆上焦心血虛而邪干經脈之所致也

傷寒大下後復發汗心下痞惡寒者表未解矣不可攻痞當先解表表解乃可攻痞解表以桂枝湯攻痞宜大黃黃連瀉心湯

此言太陽表邪未解不可攻痞之意傷寒大下後復發汗則心液內竭心下痞者心氣虛而神機內鬱也惡寒者表未解也表未解而裏不和故不可攻痞當先解表表解乃可攻痞解表宜桂枝湯助心主之神氣以外浮攻痞宜大黃黃連瀉心湯清內陷之邪熱以和平

傷寒發熱汗出不解心中痞鞭嘔吐而下利者大柴胡湯主之

合下三節首節言心中痞者所以結痞證多義意謂凡心下痞而用瀉心諸方乃瀉其邪而復正氣從心中以外出也次節言胸中痞者所以結結胸之義夫邪陷於胸而用陷胸湯方乃使邪熱下洩而正氣從胸上出也末節言脇下痞者所以結藏結多義夫病發於陰有藏結之結胸若不能上達於胸從脇下而入陰筋則為藏結之死證所以重氣機上行之意也此節言心中痞鞭而氣機仍欲上出者宜大柴胡湯以達之傷寒發熱汗出而外邪不解徒傷心液故心中痞鞭鬼接以上十二則皆言心下痞至此則曰心中以明正氣仍若上達之意嘔吐而下利者邪從下泄而氣欲上騰也故以大柴胡湯主之芍藥枳實瀉心中之痞鞭黃芩清中膈之餘邪柴胡半夏生薑大棗從中土而達太陽之氣於外病從下解而氣仍上出由此可以知痞證之氣機矣

病如桂枝證頭不痛項不强寸脈微浮胸中痞鞭氣上衝咽喉不得息者此為胸有寒也當吐之宜瓜蒂散

瓜蒂散方

瓜蒂一分熬黃 赤小豆一分○分音問

右二味各別搗篩為散已合治之取一錢匕以香豉一合用熱湯七合煮作稀糜去滓取汁和散溫頓服之不吐者少少加得快吐乃止諸亡血虛家不可與之

此言胸中痞鞭氣機當從胸上出所以結結胸之義也病如桂枝證者即證象陽旦之謂也頭不痛項不強不涉太陽之經氣矣寸脈微浮病在膈上病雖不涉太陽而胸中痞鞭則太陽之正氣不能從胸出入矣氣上衝咽喉不得息乃厥氣上行宗氣不能上出於肺以司呼吸也所以然者其病在胸此為胸有寒也其高者從而越之故當吐之宜瓜蒂散瓜屬蔓莖性惟上延其蒂甚苦其瓜極甜蓋從下而上陰而陽者也豆乃水穀其性沉重一取其色赤一取其顯浮亦宜從下而上從陰而陽為能啟陰寒之氣直從下而上出也故胸中痞鞭以散吐之由此可以知結胸之氣機矣

病脇下素有痞連在膈旁痛引少腹入陰筋者此名藏結死

此言痞證之惟陰無陽氣機不能從陰而陽由下而上是為死證所以結藏結之義也素見在也謂脇下見有痞氣夫脇下乃厥陰之痞膈旁乃太陽之痞痛引少腹入陰筋乃少陰之痞陰筋即前陰少陰腎藏所主也首言所謂藏結無陽證如結胸狀飲食如故者乃少陰君火之氣結於外而不能機轉出入故為難治為不可攻此三陰之氣交結於內不得上承少陰君火之陽故為不治之死證由是而藏結之氣機亦可識矣

傷寒若吐若下後七八日不解熱結在裏表裏俱熱時惡風大渴舌上乾燥而煩欲飲水數升者白虎加人參湯主之

自此以下凡十一節言風寒濕熱燥火六氣而歸於經脈之義前六節言病三陽而為熱燥火之陽證七八節言風寒濕三氣為病而內于三陰之陰證末三節言浮滑結代之脈為表裏虛實六氣歸於經脈尤本先天水火本於陰陽合下三節言病太陽陽明之氣而為白虎湯之熱證也傷寒若吐若下後則虛其中焦之津液矣七八日乃太陽陽明主氣之期至此不解則熱結在裏結於表也太陽標陽陽明火熱交結在裏故表裏俱熱太陽主表

陽明主裏時時惡風者陽氣內結表氣微虛也大渴舌上乾燥而內煩欲飲水數升者病陽明火燥熱之氣也故以白虎加人參湯主之知母性寒涼而味甘辛色黃白而外皮毛秋金之涼品也石膏質重以入裏紆理疎而似肌味辛甘而發散主清陽明之熱真從裏而達肌粳米土穀秋成佐人參甘草資生津液以解陽明之火燥白虎者西方白虎七宿能化炎蒸而為清肅故以名之

傷寒無大熱口渴燥渴心煩背微惡寒者白虎加人參湯主之

此病太陽分部而內合陽明之火燥也傷寒無大熱者太陽表陽內入也口渴燥渴者陽明火熱上承也心煩者熱邪上逆也背微惡寒者太陽之氣循背脊而內合陽明也陽明火熱而燥故以白虎加人參湯主之○愚按太陽分部之表陽止循經上下在頭則頭痛而必衄行於背則為項背強凡凡循背脊內入則合陽明而為白虎加人參湯證循背之皮部而下則為合病下利循經俞而下入膀胱之血室則為抵當湯證太陽分部之循經如此至分部病而合於通體則從胸出入又不可以一二端擬之也

傷寒脈浮發熱無汗其表不解不可與白虎湯渴欲飲水無表證者白虎與人參湯主之

此言白虎湯治陽明之燥渴火熱而不治太陽之表證故傷寒表不解者不可與渴欲飲水無表證者方可與之亦誠慎之意也

太陽少陽併病心下鞭頸項強而眩者當刺大椎肺俞肝俞慎勿下之

上三節言太陽合陽明此合下三節言太陽合少陽是謂三陽少陽有在經在氣不同此節詞意已見少結胸章言太陽少陽併病涉於經脈而宜刺之意前言慎不可發汗此言慎勿下之其義一也

太陽與少陽合病自下利者與黃芩湯若嘔者黃芩加半夏湯主之

黃芩湯方

黃芩 三兩

甘草 芍藥 各二兩

大棗 十二枚

右四味以水一斗煮取三升去滓溫服一升日再夜一服
黃芩加半夏生薑湯方

黃芩 三兩

甘草 芍藥各二兩

半夏 半升

生薑 三兩

大棗 十二枚

右六味以水一斗煮取三升去滓溫服一升日再夜一服

此太陽合少陽於氣分而為病也太少合病自下利者少陽樞轉不能從開而氣機內陷也故與黃芩湯黃芩一名腐腸能清腸胃之邪熱而外達於太陽芍藥亦能清腸熱之下利甘草大棗助中土而達太陽之氣於外若嘔者少陽樞轉欲從太陽之開而上達故加生薑半夏以助其開而使之上達焉愚按此與太陽陽明合病必自下利并不下利但嘔者同一義也

傷寒胸中有熱胃中有邪氣腹中痛欲嘔吐者黃連湯主之

黃連湯方

黃連

甘草

乾薑

桂枝各三兩

人參 二兩

半夏 半升

大棗 十二枚

右七味以水一斗煮取六升去滓溫服一升日三夜三服

此言少陽主三焦之氣游行於上中下而不併合於太陽也傷寒胸中有熱病在上焦也胃中有邪氣病在中焦也腹中痛病在下焦也夫三焦部署並出於焉欲嘔吐者氣機上升而欲出也用黃連桂枝清散三焦之邪熱入參半夏甘草薑棗以資其中土焉

傷寒八九日風濕相搏身體痠痛不能自轉側不嘔不渴脈浮虛而澁者桂枝附子湯主之若其人大便鞭小便自利者去桂加白朮湯主之

桂枝附子湯方

桂枝 四兩

附子 三枚

大棗 十二枚

生薑 三兩

甘草 二兩

右五味以水六升煮取二升去滓分溫二服

桂枝附子去桂加白朮湯方

白朮四兩 甘草二兩 附子三枚 生薑三兩 大棗十二枚

右五味以水七升煮取三升去滓分溫三服初服其人身如痺半日許復服之三服盡其人如冒狀勿怪此以

附子未併走皮肉逐水氣未得除故使之爾法當加桂四兩此本一方二法也

一法去桂加朮一法加朮更加桂四兩

上六節言病白虎湯之火燥熱而併論三陽此合下兩節言病風寒濕而及於三陰三陽三陰三氣之正也風寒濕熱燥火六氣之邪也以邪氣而傷正氣必干經脈故末三節言浮滑結代之脈以終此章之義此節與下節已見金匱要略彼論雜證此論傷寒傷寒八九日當陽明少陽去氣之期若更加風濕相搏則三邪合而成痺痺證必身體痠煩不能自轉側然在傷寒而身體痠煩者乃太陽不能合神氣而遊行於節交也不能自轉側者少陽樞轉不利也不嘔不渴則陽明中土自和脈浮虛而滑為少陽經脈血氣之不足故用桂枝附子壯火氣而調經脈甘草薑棗和榮衛而資氣血若其人大便鞭乃陽明去氣之不和小便自利者小陽三焦之氣通也故去解肌腠之桂枝加和中土之白朮湯主之

風濕相搏骨節痠痛不得屈伸近之則痛劇汗出短氣小便不利惡風不欲去衣或身微腫者甘草附子湯

主之

甘草附子湯方

甘草 白朮各二兩 桂枝四兩 附子二枚

右四味以水七升煮取三升去滓溫服一升日三初服得微汗則解能食汗止復煩者服五合

上節病風寒濕而涉於三陽此節病風寒濕而涉於三陰承上文傷寒八九日風濕相搏意謂八九日則三陽為

盡三陽當受邪故風濕相搏而病三陰之氣也少陰主骨故骨節皮煩痺痛厥陰主筋故不得屈伸太陰主肌肉故近之則痛劇夫腎為生氣之原汗出短氣者少陰生氣虛於內而表氣脫於外也小便不利或身微腫者太陰脾土之氣不化也厥陰乃風木主氣而為陰之極惡風不欲去衣者厥陰陰寒之象也甘草附子湯主之用桂枝以助上焦之君火附子以助下焦之生陽甘草白朮補中焦之土氣上中下之陽氣盛而三陰之邪自解矣傷寒脈浮滑此表有熱裏有寒白虎湯主之

合下三節論脈之浮滑結代以明先天陰陽水火之義平脈篇曰翕奄沉名曰滑沉為純陰翕為正陽陽陰和合故令脈滑沉為純陰者少陰也翕為正陽者陽明也陰陽和合故令脈滑者戊癸合而化火也傷寒脈浮主太陽之表滑為陰陽相搏故浮滑者此表有太陽之熱裏有少陰之寒夫於水雖寒而與陽明相搏則戊癸化火為陽熱有餘故以白虎湯清兩陽之熱靈樞經曰滑者陽氣盛而有熱也傷寒脈結代心動悸炙甘草湯主之

炙甘草湯方

甘草四兩 桂枝 生薑各三兩 人參 阿膠各二兩 大棗三十枚 麻仁 麥冬各半 生地黃一觔

右九味以清酒七升水八升先煮八味取三升去滓內膠烱消盡溫服一升日二次名復脈湯

夫血脈始於足少陰腎主於足陽明胃主於手少陰心結者陰氣結而不上與陽明合化也代者陽氣下不至關也上下不和則中焦之血液不生是以心主之神氣虛而悸動也炙甘草湯主之用甘草人參麥冬薑棗宣助中焦胃氣以生此精汁生地配麻仁助少陰之氣上合於陽明桂枝配阿膠導君火之神下交而化赤陰陽和而上下交精血生而經脈平矣

脈按之來緩時一止復來者名曰結又脈來動而中止更來小數中有還者反動名曰結陰也脈來動而中止不能自還因而復動者名曰代陰也得此脈者必難治

此申明結代之脈象皆緣腎藏水陰不得陽明太陽之火化也脈按之來緩時一止復來者名曰結此少陰之陰氣結於下也又脈來動而中止雖得陽明合化而動然動而中止更來小數還者反動究不與陽明土氣相接故名曰結此少陰之陰氣結於中也脈來動而中止不能自還夫不能自還不但不得陽明合化併無太陽之標陽不能還歸於尺因而復來復動乃有出無入若更交代之意故名曰代陽絕於上而惟見其陰也平脈篇曰寸脈下不至關為陽絕尺脈上不至關為陰絕是以得此脈者必難治○曾氏曰太陽少陰乃先天陰陽水火之原血氣生死之本結者少陰之氣結於下此謂病脈代者太陽之氣絕於上故為難治此決死生之要不可不察也○其二銘曰傷寒一書迄今千百餘年鮮有知其義者三陽三陰相傳俱謂六經吾師本盧氏氣化之解而曰六氣蓋氣無形經脈有形今太陽篇始叙俱論脈則六經之說不為非矣愚曰六氣之旨非本盧氏內經言之詳矣經云風寒暑濕燥火天之六氣也三陰三陽上奉之三陰三陽者人之六氣也以人身而合天地之陰陽原屬乎氣故表裏升降內外傳變無有窮盡若有形經脈論之必致窒礙難通蓋經有形氣無形故六氣可以該六經而六經不可以該六氣即如六篇之首惟言陽少陰言脈者以太陽少陰為先天水火血氣生死之本是病氣而應於脈非病氣之在脈也至此太陽篇終則以三陽三陰合熱燥火風寒濕之病而結以浮滑結代之脈是六氣而歸於六經之義瞭然明矣愚未始以六經為非竟以三陽三陰而指為形藏之六經則非矣二銘又曰即如在上者天也宋夫子註云天者即理也又曰道之天原出于天言理道為天而有形之天在其中若僅以高高在上者名天則理道絕不相干是取近忘遠見小失大不識與六氣之說同一義不愚曰然可與論傷寒矣

辨陽明少陽病脈證篇第三

問曰病有太陽陽明有正陽陽明有少陽陽明何謂也答曰太陽陽明者脾約是也正陽陽明者胃家實是也少陽陽明者發汗利小便已胃中燥煩實大便難是也

陽明者火燥熱之氣也天有此陽明之氣人亦有此陽明之氣經云陽明之上燥氣治之不從標本從中見太陰

之濕化又云兩陽合於前故為陽明而火合併故為陽明夫陰陽皆從少而太太少兩陽相合則陽明居其中設太陽陽明正陽陽明少陽陽明之問者所以明陽明從太少而生也脾約者太陽陽熱之氣入於太陰脾土所主之地中陽熱盛而陰濕消亡則土頑燥而脾藏窮約矣此為太陽陽明也陽明以燥氣為本而胃府水穀之氣乃陽明之正氣今燥氣在上胃家則實此為正陽陽明也少陽三焦之氣外通肌腠內行水道發汗利小便則津液不能入胃中故胃中燥上煩下實而大便難此為少陽陽明也陽明從太少兩陽而生故有三者之陽明陽明之為病胃家實是也

重言以申明胃家實乃陽明之為病而非陽明之正氣

問曰何緣得陽明病答曰太陽病若發汗若下若利小便此亡津液胃中乾燥因轉屬陽明不更衣內實大便難者此名陽名也

此下凡六節論陽明之氣達於肌表而外行於三陽此言太陽之氣在表外內出入而津液本於陽明水穀之所生故疾在太陽或汗或下或利小便皆亡陽明水穀之津液胃中乾燥因轉屬陽明而成內實大便難也

問曰陽明病外證云何答曰身熱汗自出不惡寒反惡熱也

此假外證以明陽明自受之邪身熱汗自出者腠理發泄汗出溱溱不惡寒反惡熱者陽明之氣化也

問曰病有得之一日不發熱而惡寒者何也答曰雖得之一日惡寒將自罷即自汗出而惡熱也
此假表證以明陽明自受之邪病有得之一日不發熱而惡寒者太陽寒水之氣在表也然雖得之一日惡寒將自罷即自汗出而惡熱是為陽明證也

問曰惡寒何故自罷答曰陽明居中土也萬物所歸無所復傳始雖惡寒二日自止此為陽明病也

上二節一云不惡寒二云惡寒將自罷故此設惡寒自罷之問言陽明居中土土為萬物所歸歸則無所復傳是以始雖惡寒乃邪在表而合於太陽二日陽明主氣病歸陽明而不惡寒也

本太陽病初得時發其汗汗先出不徹因轉屬陽明也傷寒發熱無汗嘔不能食而反汗出濺濺然者是轉屬陽明也

此言陽明有內外轉屬之不同本太陽病發汗不徹而轉屬陽明此轉屬陽明之在外也不因發汗反自汗出而轉屬陽明此轉屬陽明之在內也則知陽明之轉屬有內外表裏之異矣

傷寒三日陽明脈大

此言陽明居中土而無所復傳也夫六氣之傳一日太陽二日陽明此二日而邪傳陽明便歸中土無所復傳故至三日仍現脈大之陽明也。莫氏曰一日在表二日在肌三日而交於陽明故云傷寒三日陽明脈大傷寒脈浮而緩手足自溫者是謂繫在太陰太陰者身當發黃若小便自利者不能發黃至七八日大便鞭者為陽明病也

此下凡六節論陽明之氣內合太陰而入於三陰傷寒脈浮而緩者在外之寒邪而入於裏陰也手足自溫者脾為孤藏中央土以灌四旁也是為繫在太陰而不涉陽明矣但太陰者陰濕也身當發黃若小便自利者脾能行洩其水濕故不能發黃至七八日當太陽陽明主氣如大便鞭者為病在陽明而成燥實矣蓋太陰陽明之氣總屬中土而太陰虛繫之邪亦可歸於陽明其為萬物所歸者如此

傷寒轉繫陽明者其人濺然微汗出也

此言太陰虛繫之邪轉繫陽明火熱之氣而不歸中土故濺然微汗出也其曰繫者虛繫也如日月星辰之繫於天而天體居然不動也

陽明中風口苦咽乾腹滿微喘發熱惡寒脈浮而緊若下之則腹滿小便利也

此言陽明中風風性無定過在少陽涉於太陰太陰主開仍欲合太陽之開以外出而不可下也陽明中風風中陽明之氣也口苦咽乾病在少陽腹滿微喘病在太陰夫病在太陰而復發熱惡寒乃太陰合太陽而主開之義

也陽邪內入於太陰故脈緊急外合太陽故浮而緊也是當外散其風邪若下之則太陰濕氣不舒故腹滿不愈少陽三焦不和故小便難也

陽明病若能食名中風不能食名中寒

合下三節皆論食以陽明內合太陰而脾胃為倉廩之官也風乃陽邪主鼓動陽明之氣故能食寒乃陰邪主閉拒陽明之氣故不能食論陽明而及於食以微胃合於脾而陽明又以胃氣為本之意

陽明病若中寒者不能食小便不利手足澀然汗出此欲作固瘕必大便初鞭後溏所以然者以胃中冷水穀不別故也

此言不能食名中寒也陽明病若中寒則胃中冷而不能食水穀不別而小便不利手足澀然汗出者土氣外虛也固瘕大瘕泄也乃寒邪內結假氣成形而為久泄之病欲作乃將成未成之意初鞭者感陽明之燥氣後溏者寒氣內乘也所以不能食而小便不利者以胃中冷水穀不別故也○張氏曰陽明病若中寒中字主平聲言陽明中見之氣虛寒故胃中冷而水穀不別蓋陽明精中見太陰之氣化而為胃消磨其水穀也

陽明病初欲食小便反不利大便自調其人骨節痛翁翁如有執狀奄然發狂澀然汗出而解者此水不勝穀氣與汗共併脈緊急則愈

此言能食名中風也陽明病初欲食者謂先中於風也夫風為陽邪小便當利大便當燥今小便反不利大便自調乃風邪入於裏陰而裏氣虛寒其人骨節痛者裏氣虛寒也翁翁如有執狀者風邪入於裏陰也奄忽也忽然發狂澀然汗出而解者陽明穀神之氣勝也所以然者以裏陰寒水之氣不勝陽明穀神之氣故與汗共併而出脈緊急則愈者喻言也言陽明風熱之氣得陰氣相持而可愈也○馬氏曰水不勝穀氣乃少陰腎水不勝陽明穀氣骨節痛者少陰病也翁翁奄然者即翁奄沈而為戊癸合化之意也蓋上節論太陰此節論少陰也

陽明病欲解時從申至戌上

經云日西而陽氣衰陽明之所主也從申至戌上乃陽明主氣之時表裏之邪欲出必隨旺時而解。愚按六篇欲解各從六氣旺時而解則六氣言正而不言邪蓋可見矣

陽明病不能食攻其熱必噦所以然者胃中虛冷故也以其人本虛攻其熱必噦

合下三節首言胃府虛次言經脈虛末言皮腠虛蓋謂胃府虛而後經脈虛經脈虛而後皮腠虛故未結曰此以久虛故也陽明病者病陽明胃府之氣也不能食者胃氣虛也噦呃逆也胃氣虛而復攻其熱故噦所以然者陽明以胃氣為本以其人本虛攻其熱則胃中虛冷而必噦。高子曰遍閱諸經止有噦而無呃以噦之為呃也確乎不易詩云變聲噦噦謂呃之發聲有序如車變聲之有節奏也凡經論之言噦者俱作呃解無疑

陽明病脈遲食難用飽則微煩頭眩必小便難此欲作穀瘵雖下之腹滿如故所以然者脈遲故也。瘵疽同

此節文同要略言陽明經脈虛寒而成穀瘵也陽明病者病陽明經脈之氣也脈遲者所生之血氣虛也經云食氣入胃淫精於脈脈氣流經經脈虛故食難用飽而飽則微煩頭眩者氣虛於上也小便難者氣虛於下也要略曰穀瘵之為病寒熱不食食即頭眩心胸不安久久發為穀瘵故曰此欲作穀瘵病在經脈雖下之而腹滿如故所以然者以脈遲而經脈虛寒故也此所以穀氣留中而發為瘵黃也

陽明病法多汗反無汗其身如蟲行皮中狀者此久虛故也

此承上文胃府經脈而及於皮中也陽明病者病陽明皮腠之氣也本篇云陽明外證身熱汗自出故法多汗今反無汗其身如蟲行皮中狀者由於胃府經脈之虛故曰此久虛故也由是而知經脈皮腠之血氣本於胃府所生矣

陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛

此下凡七節言陽明秋金之氣外合於肺而行於四旁達於上下週於內外而復歸於中土也此節明陽明之氣須行於表裏上下橫充週遍之意陽明病反無汗者氣滯於裏而不出於表也小便利者氣行於下而不升於上

也二三日嘔而欬者陽明之氣內合肺金病氣上逆於膈胸故嘔而欬也手足厥者不能分布於四肢也氣不橫充必上逆而苦頭痛若不欬不嘔氣能週遍於外內手足不厥氣能敷布於四旁故不上逆而頭不痛。二三日嘔欬手足厥者一日陽明至三日而未愈也

陽明病但頭眩不惡寒故能食而欬其人咽必痛若不欬者咽不痛

此言陽明經脈合肺而上出於咽也陽明病者陽明中風病也風淫經脈故但頭眩不因於寒故不惡寒陽明病能食名中風故能食內合於肺故欬夫陽明經脈從大迎下人迎循喉嚨入缺盆陽明循經合肺故其人咽必痛若不欬者不循經以合肺故咽不痛夫不曰喉痛而曰咽痛者以病在陽明而咽接胃本也。曾氏曰合上兩節皆論陽明合肺病欬故章法相同讀者可意會矣

陽明病無汗小便不利心中懊憹者身必發黃

此承上文陽明合肺之意而言陽明又運行於皮毛下輸於膀胱也陽明病者陽明濕熱病也濕熱留中不能合肺而外行於皮毛故無汗更不能從皮毛而下輸於膀胱故小便不利夫陽明之氣不行於表裏上下則內逆於心中而為懊憹陽熱之氣留中入胃之飲不布則濕熱晷顯而身必發黃

陽明病被火額上微汗出而小便不利者必發黃

此節假火以申上文之意言陽明濕熱為病而無汗若被火熏但額上微汗出而小便仍不利者氣機不能流通出入亦必發黃也

陽明病脈浮而緊者必潮熱發作有時但浮者必盜汗出

此言陽明津液不和於內外而為潮熱盜汗也陽明病脈浮而緊者陽明之邪內干太陰濕土為病必潮熱而發作有時脈但浮者陽氣外浮不干太陰故必盜汗出盜汗者睡中汗覺陽氣不固而陰液外注也夫潮熱盜汗則津液漏洩而不和於內外矣。金氏曰無病之人雖日有潮而不覺病則隨潮外現矣

陽明病口燥但欲嗽水不欲嚥者此必衄

此言陽明津液不濡於經脈而為衄病也口燥者病陽明之燥氣也津液不禁於經脈故但欲嗽水不涉火熱之氣化故不欲嚥夫胃足陽明之經脈主血所生病又主汗出衄衄此必衄者經脈不得津液以相滋也

陽明病本自汗出醫更重發汗病已差尚微煩不了了者此必大便鞭故也以亡津液胃中乾燥故令大便鞭當問其小便日幾行若本小便日三四行今日再行故知大便不久出今為小便數少以津液當還入胃中故知不久必大便也

此言津液從中達外外行膚表不輸膀胱而復還入於中土也本自汗出而重發汗則津液外亡以致大便鞭而津液內竭外內之相通也小便多則津液下洩小便少則還入胃中上下之相濟也此猶海水與天氣相應而復入於地中之義

傷寒嘔多雖有陽明證不可攻之

傷寒嘔多胃氣虛也雖有陽明實熱之證不可攻之。此下凡六節前三節言不可攻後三節言三承氣之證而屬可攻大意謂陽明乃燥熱之證可與攻下然必以胃氣為本詳審邪正虛實當知攻邪所以救正若因攻而反傷其正氣何異攻賊而併害其良民。高子曰太陽篇多從升降出入上體認陽明篇多從邪正虛實上體認若胃氣虛者雖有實熱不可妄攻蓋人以胃氣為本是乃陽明之大關也

陽明病心下鞭滿者不可攻之攻之利遂不止者死利止者愈

陽明病心下鞭滿者君火神氣虛微而病邪內結也故不可攻之攻之而利遂不止則火氣上虛土氣下洩火土陰陽不相通貫故死若攻之而始雖下利繼則利止土氣得以漸升火氣不致殞滅上下陰陽猶能交會故愈

陽明病面合赤色不可攻之必發熱色黃小便不利也

陽明病面合赤色此陽氣拂鬱在表當解之重之若攻其裏則陽熱之邪不能外解必發熱肌表之熱內乘中土

故色黃夫表氣外達於皮毛而後小使行今表氣拂鬱源熱發黃則小使不利也
陽明病不吐不下心煩者可與調胃承氣湯

調胃承氣湯方

芒硝半觔 大黃四兩洗 甘草二兩炙

右以水三升煮大黃甘草取一升去滓內芒硝更上微火煮令沸少少溫服之

此明調胃承氣主調少陰火熱之氣於中胃也陽明病不吐不下則陽明胃氣不虛心煩者少陰君火受邪而逆於中胃也故可與調胃承氣湯上承火熱之氣而調胃中之實邪用芒硝承君火之熱以解心煩甘草調中大黃行熱從腸胃而出○曾氏曰太陽篇云若胃氣不和譟語者少與調胃承氣湯言胃絡上通於心君火亢極而然也若汗多亡陽則主四逆湯少陰之為熱為寒如此

陽明病脈遲雖汗出不惡寒者其身必重短氣腹滿而喘有潮熱者此外欲解可攻裏也手足濇然汗出者此大便秘也大承氣湯主之若汗多微發熱惡寒者外未解也其熱不潮未可與承氣湯若腹大滿不通者可與小承氣湯微和胃氣勿令大泄下

大承氣湯方

芒硝半觔 大黃四兩洗 枳實五枚炙 厚朴半觔炙去皮

右四味以水一斗先煮枳朴取五升去滓內大黃煮取二升去渣內芒硝更上微火一兩沸分溫再服得下餘勿服此大承氣湯曰得下謂上承熱邪而下也

服下小承氣湯曰當更衣謂通洩腸胃也

小承氣湯方

大黃四兩 厚朴二兩 枳實三枚

右三味以水四升煮取一升二合去滓分溫二服初服湯當更衣不爾者盡飲之若更衣勿服

陽明病脈遲病陽明而內干太陰之氣化也雖汗出不惡寒者言雖有陽明汗自出不惡寒之證內干太陰故其
身必重短氣腹滿而喘兼有潮熱此陽明外證欲解可攻裏也若手足濇然汗出乃土中濕氣外注此大便已鞏
也大承氣湯主之上承火熱之氣下行腐穢之邪若汗多微發熱惡寒者乃津液外注而肌腠之邪未解其熱不
潮者不隨太陰之氣以出入故未可與大承氣湯此亦審證誠慎之意也若腹大滿不通者實在陽明腸胃故可
與小承氣湯微和其胃氣若更衣勿服而勿令大泄下也此言大承氣治潮熱便鞏小承氣治腹滿不通之意
愚按所謂大承氣者乃大無不該主承通體之火熱芒硝生於斤酒之地感地水之鹹氣結成能下承在上之熱
氣內經所謂熱氣在上水氣承之此命名之大義也大黃氣味苦寒主破瘀積宿食滯滯腸胃推陳致新通利而
下行者也枳實臭香形圓氣味苦寒多用主益胃氣以行留滯厚朴氣味苦溫色性赤烈臭香主厚脾土而破積
滯夫太陰腐濁之邪上合陽明悍熱之氣腐穢內實火熱外蒸乃上承火熱之氣而下泄其腐穢名曰大承氣即
大青龍之義也所謂調胃承氣者乃調和中氣瀉少陰君火之熱氣內結於中胃胃氣上通於心也故用芒硝以
承氣大黃以下行配甘草以和中不用枳朴之破洩此調胃承氣之義也所謂小承氣者乃小無不破止內行腸
胃之實而不外承氣分之熱故不用上承之芒硝止用大黃之下行配不多之枳朴以通洩其腸胃此三承氣湯
之各有所主也。再按熱毒下利乃伏熱在於形身之氣分血分當用承氣者必須芒硝以承在上之熱又如痘
與疹初起表裏熱甚而不透發當用承氣湯者亦宜芒硝上承心主包絡之熱若止用大黃而不用芒硝是猶鳥
自高飛而張羅於下也是以痢疾痘疹諸證而當用承氣者劇者用大承氣稍緩者用調胃承氣若僅以小承氣
治之不能承洩邪熱而反傷胃氣矣

陽明病潮熱大便微鞏者可與大承氣湯不鞏者不可與之若不大便六七日恐有燥屎欲知之法少與小承氣湯
湯入腹中轉失氣者此有燥屎也乃可攻之若下轉失氣者此但初頭鞏後必溏不可攻之攻之必脹滿不能食也
欲飲水者飲水則噦其後發熱之心大便復鞏而少也以小承氣湯和之不轉失氣者慎不可攻也

此言潮熱便鞭與大承氣湯但有燥屎與小承氣湯更當少與而不可妄攻之意陽明病潮熱病陽明而涉太陰之脾土故大便微鞭可與大承氣湯若但潮熱而大便不鞭不可與之蓋大承氣治潮熱便鞭小承氣但行燥屎若六七日不大便欲知燥屎之有無法當與小承氣湯湯入腹中失氣下轉此有燥屎乃可更以小承氣湯攻之若不轉失氣初鞭後溏此土氣內虛不可攻之攻之必脹滿不能食者中土受傷也既不能食亦不能飲故雖欲飲水而飲水則噦夫飲水至噦胃無生陽若其後噦止而身發熱者陽明熱氣復而中土虛故大便復鞭而少以小承氣湯和之夫少與為和多與為攻若和之而不轉失氣慎勿更以小承氣湯攻之也夫實則讞語虛則鄭聲鄭聲者重語也直視讞語喘滿者死下利者亦死

此統論讞語之有虛實也夫言主於心實則讞語者邪氣實而語言昏亂也虛則鄭聲者心氣虛而語言重複也直視瞋目也陽熱盛而目瞋心氣昏而讞語夫直視讞語若邪逆於上而肺氣喘滿者死津洩於下而腎虛下利者亦死蓋言主於心出於肺而發於腎也○愚按自此以下凡十二節皆論讞語但以下止言讞語而不言鄭聲當知鄭聲即讞語之重複若因虛而致讞語者即鄭聲也發汗多若重發汗者亡其陽讞語脈短者死脈自和者不死

此言汗多亡陽讞語憑脈而決其死生也發汗多則亡中焦之津液矣若重發汗更亡心主之血液矣夫汗雖陰液必由陽氣蒸發而出故汗多重汗則亡其陽表陽外亡心氣內亂故讞語脈者心之所主也脈短則血液虛而心氣內竭故死脈自和則心氣調而血液漸生故不死

傷寒若吐若下後不解不大便五六日至十餘日日晡所發潮熱不惡寒獨語如見鬼狀若劇者發則不識人循衣摸牀惕而不安微喘直視脈弦者生澹者死微者但發熱讞語者大承氣湯主之若一服利止後服

此言傷寒吐下不解內合三陰亦憑脈而決其生死必得少陽陽明之熱化者可治也傷寒若吐若下後則中胃虛澹病仍不解不大便五六日至十餘日津液內竭也夫病至十餘日乃三陰主氣之期日晡所發潮熱不惡

寒者陽明病氣而內合於太陰也。獨語如見鬼狀，則心主之神氣虛而病合於少陰。若劇者，或以時發，夫少陰主神機，樞轉時出，時入發，則神氣昏憤而不識人。此少陰之劇證也。循衣摸牀，惕而不安，則四肢筋血虛微而病合於厥陰。夫肝主筋而厥陰主四末也。真陰內虛，陽無所附，故微喘，直視此病合三陰而神氣內亂，證屬不治。若脈弦者，生蓋弦乃春生之木象，得陰中生陽之脈，故主生。瀦則無血，心氣虛寒，故主死。若微者，謂無三陰之劇證，而但發熱，讖語者，病陽明火熱之氣，故以大承氣湯主之。若一服利止，後服者，所謂中病即止，裏氣虛微，不可盡劑也。

陽明病其人多汗以津液外出，胃中燥，大便必鞭，鞭則讖語。小承氣湯主之。若一服讖語止者，更莫復服。

此言汗多津液竭，胃燥便鞭而讖語者，小承氣湯主之。更莫復服者，即上文一服利止後服而為誠慎之意也。

陽明病讖語發潮熱，脈滑而疾者，小承氣湯主之。因與承氣湯升腹中轉失氣者，升若不轉失氣，勿更與之。明日不大便，脈反微瀦者，裏虛也，為難治，不可更與承氣湯。

此言讖語潮熱之有虛實，實證而更須憑脈也。讖語發潮熱，病陽明而兼太陰之氣化也。滑疾為實，故主小承氣湯。胃氣清而潮熱可愈，與之轉失氣則宜不轉則不宜。脈微瀦而裏虛，則為難治。小承氣之不可輕與如此。

陽明病讖語有潮熱，反不能食者，胃中必有燥屎五六枚也。若能食者，但鞭耳，宜大承氣湯。

此即上文陽明讖語潮熱而有虛實之意，特假能食不能食以驗之。陽明病讖語有潮熱，承上文而言也。反不能食與能食者，設辭也。意謂讖語潮熱而屬於虛，則當能食，反不能食者，裏氣雖虛而胃中必有燥屎五六枚，雖有燥屎不可下也。若能食者，雖虛不虛，而但有便鞭之證耳。是當下之宜。大承氣湯脾熱去而陽明之便鞭亦行矣。愚按合上兩節皆論讖語潮熱病在陽明，則讖語內合太陰則潮熱上節乃胃氣清而太陰之潮熱可愈，故主小承氣湯。此節乃脾熱去而陽明之便鞭自除，故主大承氣湯。用藥如環不可執也。孫氏曰：不能食，胃中有燥屎五六枚，醫認為實證而屢泄之，則陰受其害而不覺。凡醫傷寒者，所當留意也。姚氏曰：能食不能食者，假此以

喻胃家之虛實耳使果能進食其病當愈又何庸大承氣乎

陽明病下血讞語者此為熱入血室但頭汗出者刺期門隨其實而瀉之澹然汗出則愈

此言陽明下血讞語無分男婦而為熱入血室也下血者便血也便血則血室內虛衝脈任脈皆起於胞中而上注於心下故讞語此為血室虛而熱邪內入但頭汗出者熱氣上蒸也夫熱入血室則衝任氣逆而肝藏實故當刺肝之期門乃隨其實而瀉之義夫肝藏之血充膚熱肉澹滲皮毛灑然汗出乃皮膚之血液為汗則胞中熱邪共併而出矣○莫氏曰男女皆有此血室男子之血上唇口而生髭鬚女子月事以時下而主妊娠太陽篇婦人經水適來為熱入血室此陽明下血無分男女皆為熱入血室然亦有下血而熱邪不入者近醫以不見血之證而妄謂熱入血室是誠何說哉

汗出讞語者以有燥糞在胃中此為風也須下者過經乃可下之若早語言必亂以表虛裏實故也下之則愈宜大承氣湯

此言風動陽明燥熱之氣津液外洩而讞語須過經乃可下之亦詳審虛實之意也汗出讞語者腠理開津液洩而心氣內虛也所以然者以有燥糞在胃中此為風邪內薄陽明而中土燥實也夫燥實宜下俟六氣已週七日來復風動之邪隨經外出然後下其燥糞可也下之若早則風熱之邪乘虛內入傷其神氣故語言必亂以風邪從表入裏表虛裏實故也故必過經下之則愈宜大承氣湯上承風動之陽邪下泄胃中之燥糞

傷寒四五日脈沈而喘滿沈為在裏而反發其汗津液越出大便為難表虛裏實久則讞語

此言寒邪入於陰分始病太陰而後及少陰也傷寒四五日當太陰少陰主氣之期寒邪內入故脈沈手足太陰不相通貫故喘滿此沈為在裏而反發其汗則中焦之精液越出胃中乾燥而大便為難表虛者謂汗出而陽虛裏實者謂津竭而便難此太陰脾土為病久則少陰心主之神機不能出入故讞語此先病太陰而後及少陰也○合上兩節同是表虛裏實汗出讞語之證一言過經乃下一言久則讞語其意終謀始之意為何如耶

三陽合病腹滿身重難以轉側口不仁面垢譫語遺尿發汗則譫語下之則額上生汗手足逆冷者自汗出者白虎湯主之

白虎湯方

知母六兩 石膏一觔 甘草二兩 粳米六合

右四味以水一斗煮米熟湯成去滓溫服一升日三服

此言三陽合病於太陰不宜汗下宜從裏陰而發越於外也三陽合病在太陰所主之地中外肌腠而內坤土是以見在內之腹滿在外之身重經云少陽是動病不能轉側難以轉側者病少陽之氣也經云濁氣出於胃走唇舌而為味陽明之脈起於鼻交頰中口不仁面垢者病陽明之氣也或曰面垢者少陽也乃少陽面微有塵多義亦通譫語者太陽合神氣而虛於上遺尿者下挾膀胱而虛於下也此三陽之氣合病於太陰所主之地中宜從裏陰而發越三陽之氣於外若發汗則傷其心主之神血而譫語下之則逆其中土之陽氣而額上生汗土氣不達故手足逆冷若自汗出者乃太陰濕土蒸發陽氣外出故宜白虎湯從裏陰而清達三陽之氣於肌表土氣升而陽氣外達矣按石膏質重入裏紋理似肌主從裏以達肌甘草粳米助其中土知母內黃白而外皮毛主從裏陰而中土中土而皮毛則三陽邪熱俱從太陰而出矣

二陽併病太陽證罷但發潮熱手足熱發汗出大便難而譫語者下之則愈宜大承氣湯

此言陽明熱邪內入太陰而下之則愈也二陽併病太陽證罷則病氣併入陽明而無太陽證矣但發潮熱者謂邪熱但乘於脾而發潮熱也熱發汗注貌手足熱發汗出者脾主四肢陽明熱邪蒸發脾土之津液而外洩也不曰大便鞭而曰大便難者脾胃之氣不和如脾約之大便則難者是也譫語者脾病而上走於心也下之則愈宜大承氣湯

陽明病脈浮而緊咽燥口苦腹滿而喘發熱汗出不惡寒反惡熱身重者發汗則躁心憤憤反譫語若加溫鍼必怵

惕煩躁不得眠若下之則胃中空虛客氣動膈心中懼懷舌上胎梔子豉湯主之

此言陽明太陰合病於內外不宜汗下濕鍼更傷少陰水火之神氣也陽明病脈浮而緊乃陽明病氣而內搏於太陰陽明熱氣上承故咽燥口苦太陰脾肺不交故腹滿而喘此病陽明太陰之氣於內也陽明熱氣外陳故發熱汗出不惡寒反惡熱太陰土氣不和故身重此病陽明太陰之氣於外也夫內外皆病不宜汗下濕鍼若發汗則躁者動少陰腎藏之氣也心憤憤反讖語者動少陰君火之氣也若加濕鍼則心腎兩虛故怵惕煩躁陰陽不和故不得眠若下之則胃中土氣空虛客氣乘虛動膈心中懼懷者火氣上炎也舌上胎者膈熱內盛也故以梔子豉湯主之夫君火之氣虛則舌上白胎滑火熱盛則舌上胎若渴欲飲水口乾舌燥者白虎加人參湯主之

白虎加人參湯

知母六兩 石膏一觔 甘草二兩 粳米六合 人參二兩

右五味以水一斗煮米熟湯成去滓溫服一升日三服

此承上文梔子豉湯而言若渴欲飲水口乾舌燥而屬於陽明之虛熱者白虎加人參湯主之蓋火熱上乘於心則心中懼懷而為梔子豉湯證若火熱入於陽明之胃絡則為白虎加人參證

若脈浮發熱渴欲飲水小便不利者猪苓湯主之

猪苓湯方

猪苓 茯苓 澤瀉 滑石 阿膠略一兩

右五味以水四升先煮四味取二升去滓內阿膠烱消溫服七合日三

此承上文白虎加人參湯而言若脈浮發熱亦渴欲飲水而水便不利者則以猪苓湯主之夫脈浮發熱乃心肺之陽熱外浮小便不利乃脾胃之水津不化澤瀉猪苓助脾土之水津以上行滑石茯苓導胃府之陽熱以下降

阿膠乃阿井之濟水煎鱸皮而成膠夫心合濟水肺主皮毛能解心肺之熱氣以和於陰夫心氣和則脈浮可愈肺氣和則發熱自除水津上行而渴止陽熱下降而小便利也

陽明病汗出多而渴者不可與猪苓湯以汗多胃中燥猪苓湯復利其小便故也

此承上文猪苓湯而言病屬陽明汗出多而渴者乃津液外注胃中燥竭而渴非如上文之陽熱浮而水津不化故不可與猪苓湯所以不可以猪苓湯復利其小便故也以上三節乃承梔子豉湯而反覆申明之意

脈浮而遲表熱裏寒下利清穀者四逆湯主之

此論陽明之有虛寒也脈浮而遲浮為表虛遲為裏寒乃下焦生氣不上合於陽明故表有陽明之熱裏有少陰之寒生氣不升故下利清穀宜四逆湯啟少陰之生陽助陽明之土氣

若胃中虛冷不能食者飲水則噦

此承上文生氣不升而言戊癸不能合化火氣衰微若胃中虛冷不能食者乃土虛不納故飲水則噦此胃氣虛寒而為敗呃也蓋三焦火氣蒸泌水穀於府外少陰生氣上合戊土於胃中

脈浮發熱口乾鼻燥能食者則衄

此反結上文兩節之意陽明胃脈起於鼻交頰中挾口環唇脈浮發熱陽明之表熱也口乾鼻燥經脈之裏熱也但病陽明而無脈遲裏寒下利清穀之陰證矣能食則陽明胃氣自和故經脈充溢而為衄衄乃解復無胃中虛冷飲水則噦之寒證矣此所以反結上文兩節之意也

陽明病下之其外有熱手足溫不結胸心中懊憹飢不能食但頭汗出者梔子豉湯主之

此下凡五節論陽明之氣內通於心胸腹胃腸而樞轉於外內之義此言陽明中土之氣不能上交於心而為心中懊憹之證也陽明病下之則中土已虛其外有熱而手足溫則外邪未盡邪在外故不結胸土氣虛不能上交於心故心中懊憹飢不能食者心氣內逆也但頭汗出者心氣不下交於中土而心液上蒸也宜梔子豉湯解

心中之虛熱以下交則上下調和而在外之熱亦清矣

陽明病發潮熱大便溏小便自可胸脇滿而不去者小柴胡湯主之

合下三節言陽明中土之氣不能從胸脇以外出而為小柴胡湯證也夫陽明中土之氣下合脾土上連胸膈憑樞脇而轉輸於內外陽明病發潮熱大便溏者陽明病氣陷於脾土故見太陰潮熱便溏之濕化小便自可者脾土之氣猶能為胃行其津液胸脇滿而不去者陽明之氣下陷不能上出於胸而樞脇不利故以小柴胡湯主之夫小柴胡湯能從中土而達太陽之氣於肌表亦能從樞脇而達陽明之氣於內外也

陽明病脇下鞭滿不大便而嘔舌上白胎者可與小柴胡湯上焦得通津液得下胃氣因和身濇然汗出而解也

此承上文言小柴胡湯治脇下鞭滿更調和胸胃之氣於上下而流通於內外也陽明病脇下鞭滿者氣機內逆不能從樞開閣也不大便秘者土氣不和於下也嘔者土氣不和於上也舌上白胎者少陽樞轉不利而火氣虛微也故可與小柴胡湯從脇下出中胃而上達於膺胸故上焦得通於上津液得行於下胃氣得和於中上中下氣機旋轉則身濇然汗出內外交通而病解矣

陽明中風脈弦浮大而短氣腹都滿脇下及心痛久按之氣不通鼻乾不得汗嗜卧一身及面目悉黃小便難有潮熱時時噦耳前後腫刺之小差外不解病過十日脈續浮者與小柴胡湯脈但浮無餘證者與麻黃湯若不尿腹滿加噦者不治

上三節論心胸脾胃而涉於三陽此節言三陽受病逆於三陰內于腹分得少陽之樞轉可出得少陰之機旋可出得太陽之開浮可出三者不能則逆死矣陽明中風脈弦浮大者少陽之脈弦太陽之脈浮陽明之脈大此病陽明而見三陽之脈象也短氣者三陽之氣逆於中土而上下內外樞機不利也腹都滿者內于太陰也脇下及心痛者內于厥陰少陰也久按之氣不通者三陽之氣並逆於地中短氣而不相通也鼻乾不得汗者風中陽明入於裏陰而無汗也嗜卧者陽氣留陰而不得外出也一身及面目悉黃者土氣病於內而黃色見於外也小便

難有潮熱者太陰之脾土不和於內外也時時噦者少陰之神機不和於上下也耳前後腫者厥陰之氣合病於少陽也刺之小差者少通少陽經脈之氣而小差乃得少陽之樞轉而可出也夫三陽之氣應司天在外而主升降三陰之氣應五運在中而主出入病過十日當少陰主氣之期脈續浮者神氣乃浮也與小柴胡湯達三陽之氣從神機以外出乃得少陰之機旋而可出也脈但浮無餘證者此三陽合併於太陽而從開得太陽之氣外浮而無內逆之餘證故可與麻黃湯開發皮毛邪從表出乃得太陽之開浮而可出也若尿腹滿乃五運之氣逆於中土加噦者生陽之氣脫於下經云升降息則氣立孤危出入廢則神機化滅故為不治○莫氏曰若不尿則甚於小便難加噦則甚於時時噦有增無減故屬不治○燕氏曰此三陰三陽之氣血並逆於地中得少陰之樞轉而三陽並出矣得太陽之從開而三陰旋轉矣夫六氣以太陽少陰為主而太少之氣又標本相合也○張氏曰耳前後腫即傷寒中風之發頭證但發頭之證有死有生陰陽並逆者死氣機旋轉者生○朱氏曰此與太陽病自汗出若發汗小便自利者此為津液內竭雖鞭不可攻之當須自欲大便宜蜜煎導而通之若土瓜根及大猪胆汁皆可為導

蜜煎土瓜根猪胆汁導方

蜜七合

右一味於銅器內微火煎凝如飴狀攪之勿令焦着欲可丸併手捻作挺令頭銳大如指長二寸許當熱時急作冷則硬內穀道中欲大便須緩去之或用土瓜根搗汁竹管灌入穀道如無土瓜胆汁和醋導之

上文言三陽之氣並逆於五運之中以致氣機不轉而為危險之證此言病氣入於腸胃則陰陽六氣旋轉如常而為不大便之緩證也陽明病自汗出此陽明之氣發越於外而不鬱逆於內矣若發汗小便自利者發手太陰皮毛之表汗則足太陰即轉輸其津液而小便自利此天地表裏之交相應也故此但為津液內竭雖有三陽

之邪留於腸胃而大便鞭是為緩證不可攻也宜蜜煎導者蜜味甘乃中土之味可導陽明之邪若土瓜根者土瓜即王瓜月令云四月王瓜生得少陰君火之氣根性蔓延從下而上可導太陽之邪及大猪胆汁者猪乃水畜胆主甲木夫腎為水藏而少陽屬腎復和醋味之酸可導少陽之邪設有三陽之病氣留結於內通其一氣則大便自下故曰皆可為導。愚按此節緊承上文分別形氣緩急之要言邪氣入於胃下之大腸無關於心胸腸腹也

陽明病脈遲汗出多微惡寒者表未解也可發汗宜桂枝湯

此下凡四節論陽明之氣外合於太陽前一節言病氣在於肌表而為桂枝麻黃湯證後二節言病氣沈以內著而為瘕熱畜血之證也陽明病脈遲者宗衛血氣本於陽明所生故病則脈遲也汗出多者氣機在表開發毛竅內干肌腠而津液外洩也微惡寒者表邪未盡故曰表未解也宜桂枝湯解肌以達表

陽明病脈浮無汗而喘者發汗則愈宜麻黃湯

上文言病陽明之氣而涉於肌腠毛竅開而有汗桂枝湯主之此病陽明之氣於膚表故脈浮皮毛閉拒故無汗而喘宜麻黃湯發汗則愈。愚按陽明主秋金外合肺氣於皮毛故能上通天氣外行肌表而有桂枝麻黃湯證也

陽明病發熱汗出者此為熱越不能發黃也但頭汗出身無汗刺頸而還小便不利渴飲水漿者此為熱在裏身必發黃茵陳蒿湯主之

茵陳蒿湯方

茵陳蒿六兩 梔子樹十四 大黃二兩

右三味以水一斗先煮茵陳減六升內二味煮取三升去滓分溫三服小便當利尿如皂角汁狀色正赤一宿腹減黃從小便出也

此承上文言陽明病氣不在太陽之肌表留於中土而瘀熱發黃也陽明病發熱汗出者此為病在肌表熱氣發越於外不涉中土故不能發黃若其汗但上出於頭不周於身則頭而還此熱邪內留於中土土氣不能輸津於下是以小便不利土氣不能散津於是渴飲水漿此陽明合太陽之熱留于中土津液不行則濕熱相首身必發黃茵陳蒿湯主之經云春三月此為發陳茵陳感春生發育之氣因舊本而生蓋能散冬令水陰之氣以上行梔子導君火之氣以下降大黃推蕩中土之邪熱此太陽內熱之邪當從小便而出氣化水行則中土之濕熱除矣○愚按此節乃陽明合太陽而逆於中土故發黃下節乃陽明合太陽而熱入胞中故下血

陽明證其人喜忘者必有畜血所以然者本有久瘀血故令喜忘尿雖鞭大便反易其色必黑抵當湯下之

此承上文瘀熱在裏而言瘀久則熱入胞中傷其血分而為畜血之證矣經云氣并於上血并於下亂而喜忘陽明證其人喜忘者必氣分之邪內傷血分而有畜血也所以喜忘者以胞中之血不能上奉於心致久瘀於內則心氣鬱而喜忘雖有陽明尿鞭之證熱入胞中故大便反易血瘀久而自下其色必黑宜抵當湯下之則熱隨血解矣此陽明合太陽而下結故曰久瘀血夫不曰陽明病而曰陽明證者言有瘀血自下其色必黑之可證是以陽明而證太陽之瘀血也

陽明病下之心中懊憹而煩胃中有燥屎者可攻腹微滿初頭鞭後必澹不可攻之若有燥屎者宜大承氣湯

此下凡五節論大承氣湯上承煩熱而下行燥屎之意此節言大承氣湯治煩熱更當審其燥屎也陽明病下之則陽明之邪入於胸中夫胸者心主之宮城故心中懊憹而煩若胃中有燥屎者仍可攻之若無燥屎而腹微滿乃太陰脾土內虛初雖鞭後必澹不可攻之若胃中有燥屎可攻者宜大承氣湯上承心中懊憹之煩熱下行胃中之燥屎

病人不大便五六日繞臍痛煩燥發作有時者此有燥屎故使不大便也

此論內有燥屎乃承上文之意而申言之也病人不大便五六日則熱邪在裏繞臍痛者入於胃下近於大腸也

煩燥者陽明火熱之氣化心煩而口燥也發作有時者隨陽明氣旺之時而發也此有燥屎在腸胃故使不大便也不言大承氣湯者首文也上文云若有燥屎者宜大承氣湯此接上文而言此有燥屎則亦宜大承氣湯明矣病人煩熱汗出則解又如瘧狀日晡所發熱者屬陽明也脈實者宜下之脈虛浮者宜發汗下之與大承氣湯發汗宜桂枝湯

此言陽明病在肌腠發熱似瘧憑脈而施汗下之法也病人煩熱陽明火熱之證也汗出而陰液相滋則病當解設不解而又如瘧狀日晡所發熱者乃陽明中土之潮熱病屬陽明也如病于中土而脈實者宜大承氣湯下之以解陽明之潮熱病在肌腠而脈虛浮者宜桂枝湯以解肌而發汗不得驟與大承氣湯也

大下後六七日不大便煩不解腹滿痛者此有燥屎也所以然者本有宿食故也宜大承氣湯

此言大下而熱邪不解煩滿燥實者宜大承氣湯大下後則過亡其津液而胃中乾燥故六七日不大便煩不解者火熱仍熾於上也腹滿痛者脾不磨而胃家實也此有燥屎也所以然者胃為陽明所生之本本有宿食故也宜大承氣湯上解煩熱而下行其燥屎

病人小便不利大便乍難乍易時有微熱喘冒不能臥者有燥屎宜大承氣湯

此承上文大下後亡津液而言病人小便不利致大便乍難乍易者津液內亡則大便乍難小便不利而津液當還入胃中則大便乍易時有微熱者隨陽明氣旺之時而微發其熱也喘冒者火熱之氣逆於上而不能下不能臥者胃不和則睡不安此有燥屎也宜大承氣湯上清喘冒而下行其燥屎愚按以上五節前四節言煩末節言喘皆病燥屎而有上焦煩熱之證故以大承氣湯主之

食穀欲嘔者屬陽明也吳茱萸湯主之得湯反劇者屬上焦也方見少陰篇

此假陽明中土虛寒以結上文五節之意夫陽明有胃土柔和之氣有燥金煩熱之氣食穀欲嘔者屬陽明中胃之虛寒故主吳茱萸湯溫補其中土得湯反劇者非中胃虛寒乃屬上焦火熱夫火熱在上必水氣承之而病可

愈雖不立方可意會者。愚按陽明之大綱有三。一曰胃府柔和之氣。一曰燥金火熱之氣。一曰衛之悍氣。別走陽明而為悍悍滑疾之氣。醫不知此。安論陽明。

太陽病寸緩關浮足弱其人發熱汗出復惡寒不嘔。但心下痞者。此以醫下之也。如其不下者。病人不惡寒而渴者。此轉屬陽明也。小便數者。大便必鞭。不更衣十日無所苦也。渴欲飲水者。少與之。但以法救之。渴者宜五苓散。

此下凡八節皆言陽明胃家實前四節論太陽陽明而歸於脾約後四節論少陽陽明而歸於燥煩也。太陽病寸尺緩弱而關脈浮則病在心胸其人發熱汗出者。陽明也。復惡寒不嘔者。太陽也。太陽之氣從胸出入心下者。胸之部也。但心下痞者。此以醫下之邪氣內陷於胸。故心下痞也。如其不下者。則邪不內陷。病人不惡寒則邪去太陽。渴則屬於陽明。故曰此轉屬陽明而為太陽陽明也。夫病屬陽明胃家則實。小便頻數則津液下洩。故大便必鞭。此實在腸胃。雖不更衣十日無所苦也。夫古人大便必更衣。廁若津液不行而渴欲飲水者。須少少與之。以滋陰液。但以法救之者。或滋其燥渴。或行其津液。夫五苓散既行津液。復滋燥渴。故又曰渴者宜五苓散。

脈陽微而汗出少者為自和也。汗出多者為太過。陽脈實因發其汗出多者亦為太過。太過為陽絕於裏。亡津液大便因鞭也。

此言汗少為陰陽自和。汗多則陽盛陰虛。故為太過。陽絕於裏者。以陰液外亡。表陽內陷。如絕於裏而不行於外者。然是以土爰燥而大便因鞭也。

脈浮而孔浮為陽。孔為陰。浮孔相搏。胃氣生熱。其陽則絕。

此承上文陽絕於裏而復假浮孔之脈。以申明之。浮為陽者。太陽之氣外浮也。孔為陰者。陽明津液內虛也。三孔相搏。則太陽之邪而入於陽明。本篇言陽明居中土。萬物所歸。故胃氣生熱。其表陽則絕於裏而不能外出。是以內亡津液。大便因鞭。而胃氣生熱也。愚按其陽則絕者。即太陽陽熱之氣入於地中。陰津消亡而成脾胃之意也。

跌陽脈浮而滯浮則胃氣強滯則小便數浮滯相搏大便則難其脈為約麻仁丸主之

麻仁丸方

麻仁二升 芍藥半飴 枳實半飴 大黃一飴 厚朴一飴 杏仁一飴去皮尖別研作脂

右六味為末煉蜜為丸如梧桐子大飲服十九丸漸加以知為度小便利腹中知為知

此言脾約而終太陽陽明之意也跌陽者胃之衝陽動於足跌故名跌陽跌陽脈浮則太陽之氣而入於土中故為胃氣強跌陽脈滯則脾不能為胃行其津液故小便數短數也浮滯相搏則陽熱內盛而陰液消亡是以大便則難其脾為約麻仁丸主之本篇云太陽陽明者脾約是也故言此以終太陽陽明之義按麻仁能散陰液上滋陽熱復能潤腸熱以下行芍藥實抑其胃強大黃杏仁行其便難厚朴助脾氣而轉輸其津液則脾胃和而強約平矣

太陽病三日發汗不解蒸蒸發熱者屬胃也調胃承氣湯主之

本篇云少陽陽明者發汗利小便已胃中燥煩實大便難是也太陽病三日當少陽主氣期發汗則津液外洩不解則熱邪內入蒸蒸發熱者陽明水穀之熱外現病於中土故屬胃也調胃承氣湯主之。夫轉屬陽明者轉屬陽明之氣化屬胃者屬於胃府之有形

傷寒吐後腹脹滿者與調胃承氣湯

此言吐後腹脹滿亦屬胃府之有形故亦與調胃承氣湯所以足上文之意也。愚按吐後腹脹滿則邪從少陽內入而為少陽陽明也

太陽病若吐若下若發汗後微煩小便數大便因鞭者與小承氣湯和之則愈

此言吐下發汗則少陽三焦不和故微煩而小便數因轉屬於胃而大便鞭亦為少陽陽明也本論中凡言小便數有頻數短數二意學者隨所宜而屬解焉

病得二三日脈弱無太陽柴胡證煩燥心下鞭至四五日雖能食以小承氣湯少與微和之令小安至六日與承氣湯一升若不大便六七日小便少者雖不能食但初頭鞭後必溏未定成鞭攻之必溏須小便利屎定鞭乃可攻之宜大承氣湯

此言得病二三日胃中燥煩實而終少陽陽明之意也得病二三日二日陽明三日少陽脈弱者陽明血氣內虛也無太陽柴胡證者言病屬少陽陽明而無太陽表邪內入之柴胡證也煩燥者即胃中燥煩實之謂也心下鞭者三焦中土之氣不和也至四五日雖能食者少陽篇云傷寒三日三陽為盡三陰當受邪其人反能食此為三陰不受邪今四五日乃去陽入陰之期故雖能食而三陰不受邪然中土不和當以小承氣湯少少與微和之令小安者安其煩也至六日復與承氣湯一升以行其燥鞭若仍不大便而至六七日小便少者乃三焦之氣不和故雖不能食而津液當還入胃中但初頭雖鞭其後必溏夫所謂初頭鞭者乃未定成鞭也後必溏者攻之必溏也必俟其小便自利則津液下行而屎定鞭乃可攻以大承氣湯也本篇云少陽陽明者發汗利小便已胃中燥煩實大便難是也故言此以終少陽陽明之義

傷寒六七日目中不了了睛不和無表裏證大便難身微熱者此為實也急下之宜大承氣湯

合下三節論陽明悍熱之氣慄悍猛烈首節上走空竅次節行於經脈末節出於氣街而皆為急下之證此言悍熱之氣循空竅而上炎者急下之靈樞動輸篇曰胃氣上注於肺其悍氣上衝頭者循咽上走空竅循眼系入絡腦出頤也客主人循牙車合陽明并下人迎此衛氣別走於陽明故陰陽上下其動若一傷寒六七日氣當來復於高表目中不了了者乃悍熱之氣循眼系而上走於空竅也睛不和者腦為精髓之海而髓之精為瞳子悍熱之氣入絡於腦故也無表裏證者言悍熱之氣止上走空竅而非在表在裏也即有裏證而大便難猶無裏證也即有表證而身微熱猶無表證也此為空竅不虛而熱邪上實也經云火熱在上水氣承之亢則害矣故當急下之宜大承氣湯若不急下則髓枯神散矣○莫氏曰筋之精為黑眼目中不了了木火之氣盛也骨之精為瞳子

睛不和水精之氣竭也急下之所以救陰也

陽明病發熱汗多者急下之宜大承氣湯

此言悍熱之在經脈外內者急下之夫胃之悍氣合陽明而循行於經脈其性慄悍滑疾乘兩火之熱故陽明病發熱則榮血之所生泉之竭矣汗多則衛外之津液燻其乾矣陽熱甚而陰液亡若不急下獨陽不生若愚按此病無白虎湯之渴證無腸胃實之府證止發熱汗出多者病陽明之別氣非陽明之本氣也

發汗不解腹滿痛者急下之宜大承氣湯

此言悍氣之在腹者急下之靈樞衛氣篇曰氣在頭者止之於腦氣在腹者止之背俞與衝脈於膈左右之動脈言胃之悍氣上從頭腦而下至於膈腹復從氣街而外出於皮膚發汗不解腹滿痛者言悍熱之邪不從皮膚之汗解而留於膈腹之間不能下出於氣街而滿痛者急下之若不急下膈築漉痛命將難全矣

腹滿不減減不足言當下之宜大承氣湯

此復申明上文之意言胃之悍氣下入迎合陽明循膈胸而下至於膈腹如悍氣在下則腹滿不減出於氣街則減而不滿然雖減不足言非悍熱之病故曰減不足言亦當下之宜大承氣湯。高子曰陽明主秋金之燥令居中土者胃土之在中也又兩火合併而生此悍熱之氣別走陽明是以三急下證乃病悍熱之氣而非腸胃之燥實若在腸胃反為小承氣湯之緩證後人謂痞滿燥實堅甚然後可下嗟嗟當急下者病在氣分譬如救火緩則焚矣何可與痞滿燥實堅之證同類而語耶

陽明少陽合病必下利其脈不負者為順也負者失也互相剋賊名曰負也脈滑而數者有宿食也當下之宜大承氣湯

合下三節論陽明之入於經脈以徵經氣相通之義陽明少陽合病者合病二陽之氣也夫陽明之關少陽主樞心下利者樞轉而從其關也夫從陽明之關則合少陽之氣而涉於經脈其脈不負者言陽明土金之脈不為少

陽木火所尅負屈也故不負者為順也若相尅而負則失其循行之常度故負者失也夫少陽木火尅賊陽明土金而陽明之經亦可尅少陽之木故互相尅賊名曰負也夫翁奄沈名曰滑又曰陰陽和合故令脈滑今脈滑而數者非陰陽和合之比必胃府實熱而有宿食也當下之宜大承氣湯此節言陽明之氣由氣而經由經而府也病人無表裏證發熱七八日雖脈浮數者可下之假令已下脈數不解合熱則消穀善飢至六七日不大便者有瘀血也宜抵當湯

此承上文氣分之邪入於經脈不但可通陽明胃府亦可循太陽之經而為瘀血證也病人無表裏證者病氣在於經脈也發熱七八日當太陽陽明主氣之期雖脈浮數而病在陽明故亦可下之假令已下脈數不解此經脈之邪不從下解與胃府陽明之熱相合則消穀善飢陽明經脈篇曰其有餘於胃則消穀善飢也夫七八日乃太陽陽明主氣之期又至六七日不大便者此經脈之熱不解出於絡脈而與太陽相合則太陽循經以致瘀血在裏宜抵當湯下之夫從八日之陽明而紀之則六日太陽從七日之太陽而紀之則七日太陽故此六七日乃經脈之邪復隨氣機來復於太陽而為隨經瘀血之證也瘀血詳解已見太陽篇中夫急下涉於陽明悍氣則曰無表裏證此涉陽明經脈亦曰無表裏證學者所當明辨者也

若脈數不解而下不止必協熱而使膿血也

此承上文脈數不解而言脈絡之熱邪不隨太陽之經而成瘀血乃入內府腸胃之中而下利不止必協熱而使膿血協熱者腸胃協經脈之熱膿血者經脈之血化而為膿也

傷寒發汗已身自俱黃所以然者以寒濕在裏不解故也以為不可下也於寒濕中求之

此下凡四節皆論傷寒發黃以見陽明主經脈而外合太陽陽明主中土而內合太陰之義傷寒發汗已則表邪已盡身自俱黃者太陰之氣主週身太陽之脈起目眦所以然者太陽之上寒氣主之太陰之上濕氣主之以寒濕在裏不解故也非陽明之為病故為不可下也於太陽太陰寒濕中求其義而治之

傷寒七八日身黃如橘子色小便不利腹微滿者茵陳蒿湯主之

上文言發黃乃寒濕在裏非關陽明為不可下此則合陽明而成濕熱發黃也傷寒七八日當太陽陽明主氣之期身黃如橘子色者太陽陽明之熱與太陰脾土之濕相合故發黃如橘色之明亮小便不利者脾氣之不輸也腹微滿者太陰之氣逆也宜茵陳蒿湯導濕熱之邪從小便氣分而出愚按潮熱乃脾家實故當從腐穢而出燥鞭乃腸胃實故當從後便而出濕熱成黃乃太陽陽血之熱與太陰脾濕相合故當從小便而出

傷寒身黃發熱者梔子蘗皮湯主之蘗相同

梔子蘗皮湯方

梔子十五枚 甘草一兩 黃蘗二兩

右三味以水四升煮取一升半去滓分溫再服

此言陽明合太陽標本之寒熱而為火熱發黃之證也傷寒身黃發熱者身黃乃陽明中土之色傷寒發熱乃太陽標本之氣然無太陽本氣之寒而但有身黃發熱之證是為火熱發黃宜梔子蘗皮湯起陰氣而清太陽陽明之火熱於內外

傷寒發熱在裏身必發黃麻黃連軹赤小豆湯主之

麻黃連軹赤小豆湯方

麻黃二兩 連軹二兩 赤小豆一升 生梓白皮一觔 杏仁四十枚 大棗十二枚 生薑二兩 甘草二兩

右八味以潦水一斗先煮麻黃再沸去上沫內諸藥煮取三升去滓分溫三服半日服盡降注雨水謂之潦又淫雨謂潦用潦水者取其從下而升蓋地氣升而為雨也

此言太陽隨經發熱合陽明土氣而發黃也傷寒發熱在裏乃太陽傷寒不解隨經而發熱在裏循膈內入合陽

明中土之氣於內身必發黃宜從裏而達太陽之氣於肌表麻黃連軹赤小豆湯主之用連軹赤小豆啟下焦之

陰氣甘草大棗以和中麻黃杏仁生薑白朮通上焦之氣導痰熱外出於皮毛。○本經連翹主治寒熱鼠瘻心氣客逆今連翹乃連翹之根能啟陰氣而上滋心火者也。亦小豆主治水腫消渴小便脹滿亦能啟下焦之陰氣以解留中之痰熱梓木名楸皮色白而氣味苦寒乃秋金之涼品杏仁利肺氣麻黃開毛竅使在裏之痰熱仍從皮毛而外出於太陽也。○愚按太陽之氣外行於三陽內行於三陰如天氣之環繞出入故首論陽明而曰病有太陽陽明中論陽明受病從肌表內入而有用桂枝麻黃湯者有太陽病不解而轉屬陽明者有未宜承氣而先宜小柴胡達太陽之氣於外者蓋太陽為諸陽主氣太陰坤土尚為太陽出入之地况陽明主經脈陽明屬胃太陽明得氣外與熱氣相合而皆在太陽範圍之內故篇終論太陽隨經痰衝在裏而以麻黃連翹赤小豆湯主之不但從中土而達太陽於膚表且從少陰水藏而達太陽於膚表所以尊太陽於上抑與太陽篇終而結以結代之脈同一先天水火之義也

辨少陽病脈證篇

少陽之為病口苦咽乾目眩也

此論少陽風火主氣夫少陽之上相火主之標本皆熱故病則口苦咽乾六元正紀論云少陽所至為飄風燭燎故目眩目眩者風火相煽也

少陽中風兩耳無所聞目赤胸中滿而嘔者不可吐下吐下則悸而驚

此少陽自受之風邪蓋少陽初陽之氣自下而上由內至外則耳目聰明若中於風則少陽之氣反從上而下從外而內故兩耳無所聞目赤者風動火炎也胸中滿而煩者三焦之氣不和也此少陽風火之氣病於上三焦之氣逆於中故不可吐下吐下則津液虛而風火內入留於心包則心悸合於肝木則發驚蓋少陽木火之氣內合於手足厥陰也

傷寒脈弦細頭痛發熱者屬少陽少陽不可發汗發汗則讞語此屬胃胃不和則愈胃不和則煩而悸

此少陽自受之寒邪傷寒脈弦細者少陽之脈弦氣為邪傷則弦細夫脈弦細而頭痛發熱此屬寒傷少陽少陽主樞轉出入故不可發汗發汗則心液虛而神機內逆故譏語夫神機出入由於中土今發汗譏語此不屬少陽而屬於胃胃和則神機旋轉而病自愈胃不和則心氣益虛故煩而悸也此言少陽合神機出入而由於中土之意

本太陽病不解轉入少陽者脇下鞭滿乾嘔不能食往來寒熱尚未吐下脈沈緊者與小柴胡湯

此太陽受病而轉入少陽也脇下者少陽所主之分部病入少陽樞轉不得故脇下鞭滿乾嘔不能食者上下之氣不和也往來寒熱者開闔之機不利也如吐下而脈沈緊則病入於陰今尚未吐下中土不虛脈沈緊者乃太陽本寒內與少陽火熱相搏故與小柴胡湯從樞轉而達太陽之氣於外也 小柴胡湯詳列太陽篇中至少陽篇則云本太陽病不解轉入少陽云云則與小柴胡湯前人何據謂小柴胡為少陽之主方耶 若已吐下發汗溫鍼譏語柴胡湯證罷此為壞病知犯何逆以法治之

此總結上文之意夫少陽不可吐下吐下則悸而驚少陽不可發汗發汗則譏語若已吐下發汗則溫鍼譏語夫溫鍼者驚也本論云太陽傷寒加溫鍼必驚故仲祖以溫鍼為驚也夫驚而譏語病非少陽如柴胡湯證罷者此為裏虛自敗之病知犯何逆隨其病之所在而以法治之又不可與小柴胡湯所以結上文三節之意也

三陽合病脈浮大上關上但欲眠睡目合則汗

此三陽合病而太陽陽明之氣從少陽之樞轉以出入也三陽合病者少陽之氣合病於少陽也脈浮大者太陽之脈浮陽明之脈大上關上者三陽之氣從少陽之樞轉而出入也三陽之氣主外病則反從外而內是以但欲眠睡夫陽加於陰謂之汗目合則陽氣歸陰陽盛陰虛是以目合則汗而為三陽合病之證也

傷寒六七日無大熱其人躁煩者此為陽去入陰故也

此病少陽而入於少陰也傷寒六七日少陽之邪當從太陽而外出無大熱則不能外出於陽其人躁煩者病少

陰標本之氣化此為去太陽故無大熱入於少陰故躁煩也夫七日乃再經第一日蓋太陽少陰標本相合雌雄相應故七日而不出乎太陽即可入乎少陰也

傷寒三日三陽為盡三陰當受邪其人反能食而不嘔此為三陰不受邪

此病少陽而不入於三陰也夫六日六氣三日三陽三日三陰傷寒三日則三陽為盡其人不能食而嘔則病入三陰今反不然故知三陰不受邪而病氣但在於三陽也

傷寒三日少陽脈小者欲已也

此承上文而言傷寒三日乃少陽主氣之期若少陽脈小者小則病退其病欲已不但三陰不受邪也

少陽病欲解時從寅至辰上

日出而陽氣微少陽之所主也少陽乃陰中之初陽暑陽春之木氣從寅至辰上乃寅卯屬木文得少陽氣旺之時而病解也